

LARRIALDIEI AURRE EGITEKO BIDEA (LABI)

EUSKO JAURLARITZA



GOBIERNO VASCO

SEGURTASUN SAILA

DEPARTAMENTO DE SEGURIDAD

LARRIALDIEI AURRE EGITEKO BIDEA (LABI)



EUSKO JAURLARITZA



GOBIERNO VASCO

SEGURTASUN SAILA
Segurtasun Sailburuordetza
*Larrialdiei Aurre Egiteko eta
Meteorologiako Zuzendaritza*

DEPARTAMENTO DE SEGURIDAD
Viceconsejería de Seguridad
*Dirección de Atención de Emergencias
y Meteorología*

Eusko Jaurlaritzaren Argitalpen Zerbitzu Nagusia

Servicio Central de Publicaciones del Gobierno Vasco

Vitoria-Gasteiz, 2015

Lan honen bibliografia-erregistroa Eusko Jaurlaritzaren *Bibliotekak* sarearen katalogoan aurki daiteke: <http://www.bibliotekak.euskadi.net/WebOpac>

Argitaratutako liburuak:

- Larrialdiak kudeatzeko legea
- Euskal Autonomia erkidegoko basosuteetarako larrialdi plana
- Euskal Autonomia erkidegoko uholdeen ziozko larrialdiko plan berezia
- Euskal Autonomia erkidegoko errepideez eta trenbideez salerosgai arriskutsuak dela-eta sor daitezkeen larrialdiei aurre egiteko plan berezia
- Arrisku sismikorako larrialdi plana
- Euskadiko Autonomia erkidegoko arrisku erradiologikoari aurre egiteko larrialdi-plan berezia

Argitaraldia: 2.a, 2015ko iraila

Ale kopurua: 1.500

© Euskal Autonomi Erkidegoko Administrazioa
Segurtasun Saila

Argitaratzailea: Eusko Jaurlaritzaren Argitalpen Zerbitzu Nagusia
Servicio Central de Publicaciones del Gobierno Vasco
Donostia-San Sebastián, 1 - 01010 Vitoria-Gasteiz

Fotokonposaketa eta inprimaketa: Gráficas Lizarra, S.L.

ISBN: 978-84-457-3373-8

L.G.: VI-666-15

Testu kontsolidatua, 2015eko urtarrilaren 23koa (*)

Larrialdiei aurregiteko bidea-LABI deritzan Euskadiko Herri Babeseko Plana onartzen duen eta larrialdiei aurre egiteko euskal sistemak dituen integrazio-bideak arautzen dituen ekainaren 24ko 153/1997 DEKRETUAK onartua (Hutsen zuzenketa, EHAA 148 ZK., 1997/08/06) (Hutsen zuzenketa, EHAA 17 ZK., 1998/01/27)

Eta urtarrilaren 13ko 1/2015 DEKRETUAK aldatua (zeinaren bidez onartzen baita berrazterketa berezi bat egitea «Larrialdiei Aurre Egiteko Bidea - LABI» deritzan Euskadiko Herri Babeseko Planean)

* Testu honek informazio-izaera du. Finkatutako araudia da, Euskal Herriko Agintaritzaren Aldizkarian argitaratutako egintza edo xedapenetako testuetan beren-beregi adierazitako aldaketak, loturak eta indargabetzeak jasotzen dituenak. Testu kautoak dagozkien Aldizkari Ofizialetan argitaratutakoak dira.

153/1997 DEKRETUA, 1997ko ekainaren 24koa, Larrialdiei aurregiteko bidea-LABI deritzan Euskadiko Herri Babeseko Plana onartzen duena eta larrialdiei aurre egiteko euskal sistemak dituen integrazio-bideak arautzen dituena (Hutsen zuzenketa, EHAA 148 ZK., 1997/08/06) (Hutsen zuzenketa, EHAA 17 ZK., 1998/01/27)

Larrialdien Kudeaketari buruzko apirilaren 3ko 1/1996 Legean aginduta dago Euskadiko Autonomia Elkarteko administrazio publikoek izan behar duten jarduera arrisku handien, hondamenen eta zorigaitzen edo istripuen eta antzekoen ondorioz sortutako larrialdietan, lagunen bitzitza, ondasunak, eta guztion ondarea zaintzeko. Horretarako, legeak, beste ekintzen artean, hondamendia denerako edo aurrikus daitekeenerako behar bezalako erantzuna prestatzera bideratzen ditu zerbitzu publikoak, babeseko eta laguntzako lanetan koordinatuta parte har dezaten larrialdietako planen eta ekintza-taktiken bidez.

Hori helburu, Larrialdien Kudeaketari buruzko apirilaren 3ko 1/1996 Legearen 15. atalean aurrikusia dago Euskal Autonomia Elkarteko Herri Babeseko Plana herri-babeseko diren egoerei erantzuteko jarduera antolatzeke bitarteko osotzat onartzea. Horretarako, herri-babeseko plan guztiek bere duten antolamendu-esparru orokorra behar du Planak autonomia-zuzendaritzaren beharrenden edozein larrialditan; are gehiago, herri-babesaren planifikazioa bere maila guztietan osatzen duten jarraibideak ere ezarri behar ditu, jarraibide horiek bat egin dezaten larrialdiei aurre egiteko euskal sistema integratu eta bateragarri batekin.

Bestalde, legeak agintzen duenez, larrialdiei aurre egiteko sistema integratu, bateragarri eta erabilgarriak etengabe prest egon behar du bai herri-babesaren beraren egoerei bai istripuei eta antzekoei erantzuteko. Larrialdien kudeaketari buruzko Legeko 2. atalean jasotako agindu horrek beharrezko bilakatzen du gogoan izatea eta arautzea herri-babesaren planifikazioko tresnen eta hondamen ez diren larrialdietan lankidetzan eta koordinazioan aritzeko tresnen (lege bereko III. atalburuan araututakoen) arteko elkartasuna.

Euskal Autonomia Elkarteko Herri Babeseko Plana egiten parte izan dute Planak barruan hartzen dituen erakunde eta jarduleek, eta Ekonomia Arazoetako Batzorde Ordezkariek 1995eko abenduaren 19ko bileran erabakitako ildotik jo da; izan ere, Jaurlaritzaren egitarau eta jarduera garrantzitsuen eta planen egutegian sartu da. Egutegi hori 1995eko abenduaren 19an onartu zen Jaurlaritzako Kontseiluaren Erabakiz.

Ondorioz, Euskal Autonomia Elkarteko Herri Babeseko Batzordearen txostena aldekoa izanik, Herrizaingo sailburuak proposatuta eta Gobernu Kontseiluak 1997ko ekainaren 24ko bileran eztabaidatu eta onartuta, honako hau

XEDATU DUT:

1. atala. Euskal Autonomi Elkarteko Herri Babeseko Plana onartzea.

Dekretu honen bidez onartu egiten da Euskal Autonomia Elkarteko Herri Babeseko Plana,

«Larrialdeei aurregiteko bidea- LABI» deritzana. Dekretu honen eranskinean dago jaso.

2. atala. Ekintza-taktikak.

1. Hondamendi ez diren gora-beheretako larrialdiei aurre egiteko sistemaren erantzun-tresnak dira Ekintza-Taktikak. Larrialdien Kudeaketari buruzko apirilaren 3ko 1/1996 Legearen III. atalburuan jasota daude eta larrialdietako bateraguneen oinarrizko tresna dira.

Deia edo alarmaren mezua zein eta nolakoa den benetako denboran erabakitzen dute; baita gora-beheren eta larrialdiaren zenbaterainokoaren arabera baliabideak eta bitartekoak abiarazteko irizpideak eta hartu beharreko neurriak ere (Larrialdien Kudeaketari buruzko apirilaren 3ko 1/1996 Legearen 26. atala).

2. Istripu-mota jakin bati erantzuteko prestatutako plan sinoptikoaren egitura du. Horrelakoetako deiaren edo alarmaren mezua zein eta nolakoa den benetako denboran erabakitzeko irizpideak azaltzen ditu; baita abiaraz daitezkeen zerbitzu, baliabide edo bitartekoak eta horietako bakoitzaren betekizuna ere. Egoeran, gora-behera motan eta larrialdiaren zenbaterainokoa eragina dutenak nolakoak, hala-koa izango da betekizun hori. aurreikusiak daude, hala berean, zerbitzu, baliabide eta bitartekoak abiarazteko irizpide eta protokoloak.

3. Ekintza-taktika bakoitzean aurreikusitako baliabideak abiarazteko irizpideak hauek dira: erantzunaren berehalakotasuna, larrialdia izandako tokiaren hurbiltasuna, baliabideen erabilgarritasuna, profesionalizazioa, parte hartzaileen espezializazioa, baliabide-bitartekoen arteko osagarritasuna eta ordezkotasuna.

Ekintza-Taktikek hainbat aplikazio-maila izan behar dute kon-tuan, gora-beherarena konpontzeko beharrezkoak diren bitartekoak abiarazteko moduaren arabera aplikazio-mailak eta larrialdia izandako tokian jarduteko zuzendaritza beharraren arabera. LKLren 26.3 atalean ezartzen denez, honako hipotesiak gogoan hartu behar dira horretarako:

- a) Premialdi edo larrialdiari aurre egitea administrazio jakin edo administrazio-zerbitzu jakin bati badagokio eta bestelako zerbitzuen laguntza beharrik ez bada, dagokion zerbitzu edo administrazioari alarma jakinaraztea eta jarraipena egitea besterik ez da izango larrialdietako bateraguneen eginkizuna.
- b) Partaide diren zenbait baliabide edo bitartekoren laguntza behar denean, Eusko Jaurlaritzako Herrizaingo Sailak larrialdietako bateraguneen laguntza teknikoa eskainiko du benetako koordinazioa lor dadin. Behar izanez gero, Segur-tasan Saileko teknikariak joango dira gertaera izandako le-

kura, lanetan, partaideekin adostasunean, batera jardun da dila lortzeko.

- c) Lagunek bizitza galtzeko arrisku larriko kasuetan edo partaideek batera jardutea ezinbesteko denean, Herrizaingo Saileko agintari eskudunek unean uneko jarraibide zehatzak erabaki ahal izango dituzte larrialdiari aurre egiteko edo partaideen arteko laguneren bat, duen trebetasunagatik, zuzendaritza-lanetan aritzeko izendatu.

4. Herrizaingo Sailak onartzen ditu ekintza-taktikak doazkien zerbitzu eta administrazioei entzun ondoren eta Euskal Autonomia Elkarreko Herri Babeseko Batzordeak txostena egin eta gero (Larrialdien Kudeaketari buruzko apirilaren 3ko 1/1996 Legearen 26.2 atala).

Larrialdien Kudeaketari buruzko apirilaren 3ko 1/1996 Legearen 25. atalean aipatutako erakunde publiko edo pribatuak Herrizaingo Sailak behartuta daude ekintza-taktikak egiten laguntzera. Premialdi edo larrialdietan informazioa eman behar dute, kokaleku, langile-kopuru, baliabide tekniko, zerbitzu eskaintzaren sistema eta, oro har, bitarteko erabilgarri buruzko informazioa.

3. atala. Ekintza-taktiken eta herri-babeseko planen arteko elkarbideak.

1. Larrialdien Kudeaketari buruzko apirilaren 3ko 1/1996 Legeak 2. atalean larrialdiei aurre egiteko aurreikusten duen sistema erabilgarri iraunkorra bermatzeko aplikazio-maila bi bereizten ditu sisteman bertan. Istripu edo larrialdi-egoerari, bilakaerari eta konplexutasunari begirakoa da bereizketa hau:

- a) 1. maila. Hondamendia ez den gorabehera konpontzeko ez da beharrezkotzat jotzen larrialdietan jardun ohi duten zerbitzuak besterik martxan jartzea. Kalterik ez edo kalte murriztak eragiten dituzten istripuak dira, hasieran laguntzeko bitartekoak abiaraztea eskatzen dutenak edo, kasuan kasu, koordinazio osagarria eta laguntza tekniko handiagoa. Maila honetan erabiltzen dira hondamen ez diren larrialdietako lankidetzak eta koordinazio-bideak, Larrialdien Kudeaketari

buruzko apirilaren 3ko 1/1996 Legeak III. atalburuan arautzen dituenak dagokion ekintza-taktikaren bitartez.

- b) 2. maila. Arrisku handiko egoera, hondamendia edo hondamen publikoa. Jarduteko egitura organiko berezia eskatzen du eta, batera, parte hartzera deitutako administrazio publikoen arteko koordinazioa. Herri-babeseko planak abiaraziko dira maila honetan.

2. Herri babeseko plan bat abiarazten denean, larrialdiaren nondik norakoa ikusita, eta hondamena ez diren larrialdietarako koordinazio eta elkarlanerako mekanismoak kontutan izanda, ekintza-taktika batez mobilizatzen diren baliabideak aipatu planaren barruan integraturik erabili beharko dira.

XEDAPEN GEHIGARRIA

Organo eskudunak izango dira Plana ezarri eta zainduko dutenak. Horri kalterik egin gabe, Plana garatzeko erabakitzen den programarekin bat, Euskal Autonomia Elkarteke Herri Babeseko Plana bultzatu eta koordinatuko du Herrizaingo Sailak. Horrela, bada, Jaurlearitzako Lehendakariordetzaren bidez urtero jakinaraziko dizkio Ekonomia Gaietako Eskuordezko Batzordeari hasitako, uneko eta amaitutako ekintza zehatzak, horietarako jarritako bitartekoak eta zenbateraino bete den Plana garatzeko programa.

AZKEN XEDAPENA

Euskal Herriko Agintaritzaren Aldizkarian argitaratu eta bihar-munean jarriko da indarrean dekretu hau.

Vitoria-Gasteizen, 1997ko ekainaren 24an.

Lehendakariordea,
JUAN JOSÉ IBARRETXE MARKUARTU.

Herrizaingo sailburua,
JUAN MARÍA ATUTXA MENDIOLA.

**1/2015 DEKRETUA, urtarrilaren 13koa, zeinaren bidez onar-
tzen baita berrazterketa berezi bat egitea «Larrialdiei
Aurre Egiteko Bidea - LABI» deritzan Euskadiko He-
rri Babeseko Planean.**

Euskadiko Herri Babeseko Plana edo «Larrialdiei Aurregiteko Bi-
dea-LABI» Gobernu Kontseiluaren akordio bidez onartu zen, 1997ko
ekainaren 24ko bileran, Euskal Autonomia Erkidegoko Babes Zibile-
rako Batzordeak aldeko irizpena eman eta gero.

Euskal Autonomia Erkidegoan, plan hori dugu larrialdien kudea-
keta antolatzeko tresna nagusia; hor dauzkagu zehazturik plangin-
tza-lan horrek Euskadin bete behar dituen irizpide orokorrak; hor
dago taxaturik babes zibila erakunde-maila guztietan planifikatzeko
prozesu osoa; eta hor dago taxaturik orobat Euskadiko babes zibile-
rako lurralde-plana bera, hau da, antolakuntza-eredu orokor edo
arrisku askotarako bat, balio duena hondamendi-larrialdiei aurre egi-
teko, haietarako plangintza berezirik eduki ez, eta zuzentze-lanak
edo koordinazio-lanak erkidego-mailan egin behar direnean.

Indarraldia eta operatibitatea noiz-nola errebisatu behar zaizkion
ere badakar. Berrazterketa batzuk urtero-urtero egin daitezke, esate
baterako baliabideei eta bitartekoei buruzko informazioan ezer alda-
tu behar bada, edo mantenimendu-programaren garapenean antze-
mandako hobekuntzak ere biltzeko; edo berrazterketa bereziak egin
daitezke, baldin eta eskarmentuak edo arauetan edo antolakuntzan
izandako aldaketek planaren funtsezko zatietan eraginik badute.

Joan da denbora apur bat martxan jarri zenez geroztik, eta bitar-
te horretan ikusi-ikasiak erakutsi digu LABIren operatibitatea alda-

tzea komeni dela, babes zibilerako planen –hainbat baitago– edukiak berdintzeko, eta hartara, guztietan ere larrialdi-fase berberak egon daitezten aurreikusita. Alerta-aldien, larrialdi-aldien eta erreku-perazio-aldien definizioa eta martxan jartzea da aztertu beharrekoa.

Horregatik guztiagatik, Euskal Autonomia Erkidegoko Babes Zibilerako Batzordeak txostena egin ondoren, Segurtasuneko sailburuak proposaturik, eta Jaurilaritzak 2015ko urtarrilaren 13ko bileran eztabaidatu ondoren,

XEDATU DUT:

Artikulu bakarra. Euskadiko Herri Babeseko Planean (LABIn) berrazterketa berezi bat egitea.

1. Euskadiko Herri Babeseko Planean (LABIn) berrazterketa berezi bat egitea onartzea. Plana bera ekainaren 24ko 153/1997 Dekretuaren bidez onartu zen: han onartu zen Larrialdiei Aurre egiteko Bidea-LABI Euskadiko Babes Zibilaren Plana, eta han arautu ziren larrialdiei aurre egiteko euskal sisteman sartzeko mekanismoak.

2. Berrazterketa horren ondorioz, Euskal Autonomia Erkidegoko Babes Zibilaren Planeko

V. tituluko III. kapitulua, planaren operatibitateari buruzkoa, aurrerantzean, dekretu honen eranskinean idatzita dagoen bezala geratuko da.

AZKEN XEDAPENA

Dekretu hau Euskal Herriko Agintaritzaren Aldizkarian argitaratu eta hurrengo egunean sartuko da indarrean.

Vitoria-Gasteiz, 2015eko urtarrilaren 13a.

Lehendakaria,
IÑIGO URKULLU RENTERIA.

Segurtasuneko sailburua,
ESTEFANÍA BELTRÁN DE HEREDIA ARRONIZ.

ERANSKINA

LARRIALDIEI AURRE EGITEKO BIDEA

(LABI)

BABES ZIBILEKO EUSKADIKO PLANA

**TESTU KONTOLIDATUA,
2015eko urtarrilaren 23koa**

AURKIBIDEA

HITZAURREA	25
ATARIKO IDAZPURUA	27
1. Irismena	27
2. Eginkizunak	28
3. Lege-esparrua	29
4. Terminoen glosarioa	33
I. IDAZPURUA. ARRISKUEN IRAGARPENA	39
1. Sarrera	39
2. Arriskuen sailkapena	40
2.1. Arrisku-mota orokorrak	40
2.2. Sailkapena	40
2.3. Arriskuen arteko lotura	42
3. Arriskuak iragartzea eta neurtzea	42
4. Arriskuen mapa eta inbentarioa	43
5. Administrazioaren esku-hartzea, arriskuen iragarpenaren arabera	44
	17

II. IDAZPURUA. BALIABIDEAK ETA BITARTEKOAK ZEHAZTEA .	45
1. Baliabide eta bitartekoen kontzeptuak.....	45
2. Baliabide eta bitartekoen jatorria	45
3. Baliabide eta bitartekoen katalogoa.....	46
4. Baliabide eta bitartekoak elkarri esleitzea	46
III. IDAZPURUA. EUSKAL AUTONOMIA ERKIDEGOKO BABES ZIBILAREN PLANGINTZA	49
I. ATALBURUA. XEDAPEN OROKORRAK.....	49
1. Planaren kontzeptua.....	49
2. Plan-motak.....	49
3. Babes zibileko plangintzarako beste tresna baliagarri batzuk .	50
4. Babes zibileko plangintza	50
5. Planen onarpena	50
6. Homologazioa.....	51
7. Planen eraginkortasuna eta indarraldia	51
8. Babes zibilaren planen ezarpena eta mantenimendua.....	52
II. ATALBURUA. PLANGINTZAREN EGITURA OROKORRA	53
1. Gida planaren izaera	53
2. Plangintzaren eskema orokorra.....	53
III. ATALBURUA. LURRALDE PLANGINTZA	55
1. Xedapen orokorrak	55
1.1. Kontzeptua.....	55
1.2. Mota desberdinetako lurralde-planifikazioek dituzten lehentasunak	55
1.3. Planaren araberako organo aginpidedunak.....	56
2. Udal- eta foru-plangintzarako jarraibideak.....	56

2.1. Udalen lurralde-planetarako jarraibideak.....	56
2.1.1. Helburuak.....	56
2.1.2. Gutxienerako edukia	57
2.2. Foru-erakundeen lurralde-planetarako jarraibideak.....	58
2.2.1. Helburuak.....	58
2.2.2. Gutxienerako edukia	59
IV. ATALBURUA. PLANGINTZA BEREZIA.....	60
1. Kontzeptua.....	60
2. Babes Zibileko Oinarrizko Arauan aurreikusitako plan bereziak	61
3. Babes Zibileko Oinarrizko Arauan aurreikusten ez diren beste plan berezi batzuk.....	61
4. Foru eta udalen arlo-ekintzetako jardunbide-planak.....	61
4.1. Kontzeptua.....	61
4.2. Baso-suteei aurre egiteko Ekintzen foru plana	62
4.3. Homologazioa.....	62
V. ATALBURUA. ARLOKO EKINTZEN JARDUNBIDE-PROGRAMAK	62
1. Definizioa	62
2. EAeko Babes Zibileko Lurralde Planari lotuta dauden arloko ekintzen jardunbide-programak	63
3. Larrialdi Erradiologikoei aurre egiteko Ekintza-Programa	64
VI. ATALBURUA. AUTOBABES PLANAK.....	64
VII. ATALBURUA. PLANEN BATERATZE ETA INTEGRAZIOA.....	65
1. Integrazio horizontala	65
2. Integrazio bertikala. Planen arteko lotura	66

IV. IDAZPURUA. ZUZENDARITZA ETA KOORDINAZIO ARAU OROKORRAK	67
1. Zuzendaritzako organoak eta agintariak.....	67
1.1. Zuzendaritzako agintarien eta organoen zenbaketa.....	67
1.2. Planaren zuzendaritzaren ahalmenak	68
2. Babes zibileko planak ezartzeko irizpideak	68
3. Babes zibileko agintari autonomiak	69
3.1. Segurtasuneko sailburua	69
3.2. Lehendakaria	70
4. Estatuarekiko koordinazioa.....	71
4.1. Estatuko Zuzendaritza	71
4.2. Koordinatzeko arauak.....	71
4.2.1. Plangintzarako lankidetzeta	71
4.2.2. Estatuko eta autonomia erkidegoko zuzendaritza-eta koordinazio-organoen arteko informazio-trukea	72
4.2.3. EAEko Babes Zibileko Planaren zuzendariaren aholku-batzordean Estatuak duen ordezkartza....	72
V. IDAZPURUA. EUSKAL AUTONOMIA ERKIDEGOKO BABES ZIBILAREN ANTOLAKETA OROKORRA	75
ATARIKO ATALBURUA	75
1. Definizioa	75
2. Bestelako plangintza-tresnez baliatzea	76
I. ATALBURUA. EAE-KO BABES ZIBILEKO LURRALDE PLANAREN ZUZENDARITZA- EGITURA	76
1. Zuzendaria.....	76
2. Aholku-batzordea.....	77
3. Informazio-kabinetea	78

4. Ekintzak Koordinatzeko Zentroz (EKZ)/ Ekintzen Koordinazio Bateraturako Zentroa (EKZ)	79
4.1. Definizioa eta eginkizunak	79
4.2. Ekintzen Koordinazio Bateraturako Zentroaren sorrera (EKZ)	80
4.3. Kokalekua	80
II. ATALBURUA. EKINTZA-EGITURA	80
1. Aginte-postu aurreratua (APA)	80
1.1. Definizioa	80
1.2. Helburuak	81
1.3. Zuzendaritza	81
2. Ekintza-taldeak	81
2.1. Definizioa	81
2.2. Egitura	82
2.3. Antolaketa	82
2.4. Eginkizunak eta osaketa	83
– Esku-hartzeko taldea	83
– Osasun-taldea	84
– Segurtasun-taldea	85
– Logistikako taldea	86
– Laguntza teknikoko taldea	87
III. ATALBURUA. OPERATIBITATEA	88
1. Kontzeptuen eta larrialdi-faseen definizioa	88
1.1. Kontzeptua	88
1.2. Alerta-fasea	88

1.3. Larrialdi-faseak	89
1.3.1. 0 egoera.....	89
1.3.2. 1 egoera.....	90
1.3.3. 2 egoera.....	90
1.3.4. 3 egoera.....	90
1.4. Errekuperazio-fasea	90
2. Euskadiko babes zibileko lurralde-plana aktibatzea	91
2.1. Kontzeptua.....	91
2.2. Aplikazio-moduak, larrialdi-fasearen edo -egoeraren araber.....	91
2.2.1. Alerta-fasea.....	91
2.2.2. Larrialdi-faseak	92
2.2.2.1. 0 egoera	92
2.2.2.2. 1 egoera	93
2.2.2.3. 2 egoera	93
2.2.2.4. 3 egoera	94
2.2.3. Errekuperazio-fasea.....	94
3. Udal- eta foru-planetako agintarien eta arduradunen eta Euskadiko babes zibileko lurralde-planekoen arteko interfasea	95
3.1. Udal- eta foru-planak aktibatzearen jakinarazpena	95
3.2. Planen arteko interfasea.....	95
3.3. Udal- eta foru-agintariei jakinaraztea	96
4. Jakinarazpenak.....	96
4.1. Kontzeptua.....	96
4.2. Zer agintarik jasoko dituzten jakinarazpenak.....	97
5. Prozedura operatiboa	97

IV. ATALBURUA. BABES ETA KONPONKETA-NEURRIAK	98
1. Babes-neurriak	98
2. Biztanleei informazioa ematea.....	99
2.1. Informazioa babes-neurri.....	99
2.2. Informazioaren edukia eta ezaugarriak	99
2.3. Informazioa emateko baliabideak	100
3. Konponketa-neurriak	101
3.1. Kontzeptua.....	101
3.2. Jarduketak	102
3.3. Ordezko zerbitzuak.....	102
V. ATALBURUA. ATAZAREN EZARPENA ETA MANTENIMENDUA	103
1. Planaren ezarpena	103
1.1. Sarrera.....	103
1.2. Plana garatzeko programazioa.....	104
1.3. Ezarpena	104
1.3.1. Beharrezko ekintzak	104
1.3.2. Azpiegitura	105
1.3.3. Planaren gaineko prestakuntza	106
1.3.3.1. Planaren ezaguera.....	106
1.3.3.2. Prestakuntza-programa.....	106
2. Biztanleei informazio ematea.....	106
2.1. Informazio-politika.....	106
2.2. Informazioaren xedea	107
2.3. Informazioaren oinarri diren printzipioak.....	107

3. Planaren mantenimendua.....	108
3.1. Kontzeptua.....	108
3.2. Mantenimenduko programa.....	108
3.3. Materiala aldizka egiaztatzea	109
3.4. Planaren gaineko prestakuntza iraunkorra	109
3.5. Trebakuntzako ariketak	109
3.6. Saioak (itxura hutsezkoak)	110
3.7. Eguneratzea/berraztertzea	111

HITZAURREA

Gaur egun, zoritxarrez, gero eta maizago gertatzen dira arrazoi naturalen nahiz akats teknikoen edo gizakien akatsen ondoriozko istripu, hondamen eta hondamendiak gure gizartean.

Gerta daiteke gizartea, bere ohiko antolaketarekin, gertaera horiei guztiei ondo aurre egiteko gai ez izatea, gertaerak larriak direnean batipat. Horrela, beharrezkoa da larrialdiko egoera horiei erantzuteko antolaketa bat, sinplea, malgua, azkarra eta eraginkorra izango dena.

Erronka horren aurrean, euskal erakundeak jabetu dira ondo erantzungo duen sistema bat eskaintzen asko ahalegintzea ezinbestekoa dela. Izan ere, batetik, babes zibilar dagozkien hondamendizko larrialdiei erantzun behar zaie, eta, bestetik, hain larriak ez diren egoerei ere koordinatuta eta eraginkortasunez erantzun behar zaie, egoera horiek gizartean eta funtsezko zerbitzuetan eragozpenik sortu ez arren, pertsonen bizitza eta segurtasuna jokoan baitaude. Era horretan, arazoa oro har hartu dugu, eta, horri eskerrak, egunero lana elkarrekin egiten duten zerbitzuak errazago etorriko dira bat hondamendiak gertatzen direnean. Gainera, hondamendien izaera aurreikusiz, hobeto erantzuten zaie, istripuzko egoera saihesteak hondamendia gertatzea ekidin baitezake. Aldi berean, gizarteak geroz eta gehiago eskatzen duen segurtasuna eskaintzen da.

Bi puntuetan oinarritu behar dugu larrialdiak kudeatzerakoan: egin behar dena planifikatu egin behar da, eta tartean dauden he-

rri-administrazioak beren artean eta gizabanakoekin elkarlanean ari-
tzeko bideak pentsatu behar dira. Horretarako, beharrezkoa da es-
kuartean dugun arauak larrialdi eta hondamendiei erantzuteko
funtsezko esparrua ezartzea, eta, horrela arlo honetako ekintza guz-
tiak larrialdiei aurre egiteko ekimen osatu eta bateragarrian sartuko
dira.

Ikuspegi horrekin, eskuartean dugun EAEko Babes Zibileko Pla-
na (Larrialdiei Aurre Egiteko Bidea (LABI) izena hartzen duena) da
Euskal Autonomia Erkidegoko larrialdien kudeaketa antolatzeke oi-
narrizko tresna, Larrialdien Kudeaketari buruzko apirilaren 3ko
1/1996 Legeak (hemendik aurrera LKL), hain zuzen, ezarritakoaren
arabera. Ildo horretatik ezartzen du, batetik, zein irizpide orokorri
jarraitu behar dion Euskal Autonomia Erkidegoko plangintzak, eta,
bestetik, gure erkidegoan era guztietako larrialdiei aurre egiteko an-
tolaketa orokorra, hala agintzen baitu Larrialdien Kudeaketari buruz-
ko apirilaren 3ko 1/1996 Legeak.

Legearen aginduz, larrialdiei aurre egiteko LKLren II. eta III. atal-
buruetan aurreikusten diren mekanismoak sistema bakar batean
sartu behar dira. Horregatik, plangintza honetan arautzen denaren
esparruan sartu behar dira larrialdiei aurre egiteko zenbait tresna.
Tresna horiek berez babes zibileko planetakoak ez izan arren, aipa-
tutako mekanismoekin bat etorri behar dute, era horretan dena
koherentziaz lotuta egon dadin. EAEko Babes Zibileko Planak sar-
tzen ditu bere baitan tresna horiek, babes zibileko planetako fasee-
tan integratu ahal izateko.

ATARIKO IDAZPURUA

1. IRISMENA

EAEko Babes Zibileko Planak LKEk arautzen duen larrialdiei aurre egiteko sistemaren elementu konplexuena da, euskal erakunde guztien planak, prozedurak, bitartekoak eta baliabideak integratzen baititu. Bere asmoa da autonomia erkidegoaren barruan sor daitezkeen edozein eratako larrialdiei aurre egiteko gai den antolaketa eratzea. Berdin da larrialdia zenbateraino den larria, edo larrialdia sortu zuen arrisku gunea Erkidego barrutik edo kanpotik etorri den.

Erakunde-egiturak larrialdiaren ondorioz dagoen egoera berrira egokitzea da LABIren helburua. Eta hori, bizitzak eta ondasunak babestuz, komunitatearen funtsezko zerbitzuak mantenduz eta gizar-te-sistemaren oinarrian dagoen azpiegitura zainduz eta, beharrezkoa denean, birgaituz, herritarren segurtasuna bermatzea lortzeko.

Babes zibila planifikatzea, larrialdiei aurre egiteko sistemaren barruan, erakunde publikoetako maila desberdinek hondamendiei erantzuteko era aurreikustean datza. Behar-beharrezkoa da plangintza hori integrala eta koherentea izatea eta horregatik EAEko Babes Zibileko Plan hau (Larrialdiei Aurre Egiteko Bidea (LABI)), LKL-ren 15. atala betez, Euskal Autonomia Erkidegoan larrialdiei aurre egiteko plangintza antolatzeko erreferentea da. Horretarako, autonomia mailan zuzendu edo koordinatu behar diren larrialdiei aurre egiteko modua antolatzeko marko orokorra izateaz gain, babes zibi-

lari dagozkion erakunde-mailak planifikatzeko prozesu globala ere osatzen du.

Azkenik, lege-agindua dela-eta larrialdiei aurre egiteko sistema-ren osagaiek talde eraginkorra eta berehala martxan jartzekoa osatu behar dute. Horregatik beharrezkoa da hondamenezkoak ez diren larrialdiei aurre egiteko lankidetzan eta elkarlanean aritzea. Larrialdi mota horiek babes zibilarekin batera araututa daude LKEren II. atalburuan.

2. EGINKIZUNAK

Euskadiko Babes Zibileko Planak (LABI) honako eginkizun hauek betetzen ditu:

- a) Autonomia Erkidegoko babes zibila antolatzeko egitura nagusia finkatzea. Horretarako hurrengo hau dagokio:
 - 1) Plangintza-prozesuaren garrantzizko elementu iraunkorrak zehazten ditu Euskal Autonomia Erkidegoan (Larrialdien Kudeaketari buruzko Legearen –LKLren– 15.a) atala).
 - 2) Arlo, ekintza edo larrialdi-mota zehatzak ezartzen ditu, gorabehera faktikoen, oraingoek nahiz historian zehar izandakoen, plan berezien lanketa eskatzen dutenean (LKL 15.b) atala).
 - 3) Babes zibileko udal- eta foru-planak jarraibideak ezartzen ditu, plan bereziak eta arloko ekintzen jardunbidea lantzeko.
- b) Larrialdien Kudeaketari buruzko Legearen III. atalburuan arautzen diren mekanismoek (hondamendizkoak ez diren larrialdietan elkarlanean aritzeko eta koordinatzekoek) babes zibileko planekin izan behar duten lotura aurreikustea.
- c) EAEko babes zibileko antolaketa-esparrua ezartzea, autonomia mailan zuzendu behar diren mota-askotako larrialdiei aurre egiteko, larrialdiaren izaeragatik, irismenagatik edo larrial-

di mota dela-eta erakunde bat baino gehiagok esku hartu behar duelako. (LKLren 15. atala).

Antolaketa-esparru hori eskuartean dugun planaren V. idazpuruan aurreikusten da, eta orokorra da, plangintza berezirik ez duen edozein arrisku-motatarako.

- 1) Babes zibileko udal- eta foru-planak lurralde-planaren barruan sartzea ahalbidetzea eta Estatuaren eremukoekiko lotura bermatzea (ikus HBOA 3.2.).
- 2) Autonomia Erkidegoan dauden zerbitzu, baliabide eta bitarteko guztiak koordinatzea. Erakunde publiko eta pribatuenak ere multzo horren barruan sartzen dira, baita EAeko Babes Zibileko Lurralde Planak dituen beharren arabera eta beste herri-administrazioek, beren ahalmenen arabera, ematen dituztenak ere.

Ezari diren antolaketa eta eraginkortasuna, hurrengo puntuak lortzeko gai izateko ezari dira:

- a) Larrialdiak diren bitartean beste herri-administrazioetatik jasotzen dituen laguntzak koordinatzeko eta zuzentzeko, eta, Babes Zibileko Oinarrizko Arauko IV. atalburuan azaltzen den deklarazioa dekretatuko balitz, eginkizunak Estatuko administrazioari nola eskualdatu aurreikusita izateko, eta, gainera, agintzen zaizkion jarraibideei jarraituz, bere baliabideak zuzentzen jarraitzeko.
- b) Behar denean, udal- eta foru-planetako ekintzetan laguntzeko.
- c) Behar denean, beste autonomia erkidegoei laguntzeko, batez ere mugakideei.

3. LEGE-ESPARRUA

Hondamendi-arriskuak konpontzeko administrazioek egiten dituzten ekintzen erreferentziarako testu nagusienak hauexek dira: aginpideen legezko esparruaren barruan, Konstituzioa, Autonomia

Estatutua, Toki-jardunbidearen Oinarriak arautzen dituen Legea eta Euskal Autonomia Erkidego Osorako Erakundearen eta Lurralde Historikoen arteko harremanak arautzen dituen Legea.

Osagarri gisa, urtarrilaren 21eko 2/1985 Legeak, estatu-mailakoak ezartzen du zein betebeharrak dituzten herritarrek arrisku larriko egoera, hondamendi eta hondamen publikoetan eta Estatuak babes zibileko eredu bat zehazten du, hain zuzen ere, aurreikuspenen, prebentzioan eta ekintzen antolaketan oinarritzen dena.

Euskal aginpideen eremuaren barruan, Larrialdien Kudeaketari buruzko 1/1996 Legeak Euskal Autonomia Erkidegoko barruko babes zibilaren funtsezko ezaugarriak zehazten ditu.

Konstituzio Auzitegiak 1990eko uztailaren 19ko epaian agertu zuen babes zibileko aginpideen banaketari buruz erabaki zuena. Euskal Autonomia Erkidegoak eta Estatuak aldi berean aginpideak dituztela aitortu zuen eta gure autonomia erkidegoaren aginpideak muga bat duela: larrialdien arloko «Estatuaren interesa edo autonomia erkidegoen gaindiko interesa». Horrela, interes hori dagoen kasuetarako, Estatuaren legeak finkatu egin behar du zein diren babes zibileko eredu uniformearen oinarritzko ezaugarriak, izan ere, era horretan autonomietan erabiltzen diren zuzendaritza eta koordinazio-egiturak estatu-mailan dauden egituren barruan sartu ahal izango dira.

Konstituzio Auzitegiaren epaiaren ondoren, urtarrilaren 21eko 2/1985 Legeko 8. atala garatzeko, Babes Zibileko Oinarritzko Araua (apirilaren 24ko 407/1992 Errege Dekretua) onartu zen. Administrazioen babes zibileko planak egiteko eta homologatzeko jarraibide nagusiak arautzen ditu arau horrek, eta autonomien gaindiko interesa duten kasuak arautzen ditu, baita horiek formalki nola deklaratu ere.

Arau hauek osatzen dute babes zibilaren gaian indarrean dauden araudiaren oinarritzko zerrenda:

A) Estatua:

- Espainiako Konstituzioa (30.4 azpiatala).

- 2/1985 Legea, urtarrilaren 21ekoa, Babes Zibilari buruzkoa.
- 7/1985 Legea, apirilaren 2koa, Toki Jardunbidearen Oinarriak arautzen dituena (21.1.j), 25 eta 26 atalak).
- 1053/1985 Errege Dekretua, abuztuaren 1ekoa, Arrisku Larri, Hondamendi edo Hondamen Publiko Kasuetako Larrialdi Egoeretan Jarduteko Behin-behineko Neurriei buruzkoa.
- 888/1986 Errege Dekretua, martxoaren 21ekoa, Babes Zibileko Estatuko Batzordearen Osa- keta, Antolaketa eta Funtzionamenduari buruzkoa.
- 886/1988 Errege Dekretua, uztailaren 15ekoa, Industri Jarduera Zehatzetan Istripu Larriei Aurre Hartzeari buruzkoa.
- Akordioa, 1989ko martxoaren 13koa, Ministroen Kontseiluarena, - Larrialdi Nuklearraren Oinarrizko Plana onartzen duena (1989ko martxoaren 29ko Aginduan argitaratua).
- 952/1990 Errege Dekretua, ekainaren 29koa, Industri Jarduera Zehatzetan Istripu Larriei Aurre Hartzeari buruzko uztailaren 15eko 886/1988 Errege Dekretuko Xedapenak osatu eta eranskinak aldatzen dituena.
- Erabakia, 1991ko urtarrilaren 30ekoa, Barne Ministerioko Idazkariordetzarena, arlo kimikorako plan bereziak egiteko eta homologatzeko oinarrizko gidabidea onartzen duen Ministroen Kontseiluaren Akordioa argitaratzen duena.
- Akordioa, 1990eko azaroaren 23koa, Ministroen Kontseiluarena, 1991ko urtarrilaren 30eko Erabakian argitaratua, arlo kimikorako plan bereziak egiteko eta homologatzeko oinarrizko gidabidea onartzen duena.
- 407/1992 Errege Dekretua, apirilaren 24koa, Babes Zibileko Oinarrizko Araua. 21/1992 Legea, uztailaren 16koa, Industriari buruzkoa (9-18 atalak).
- Akordioa, 1993ko martxoaren 18koa, Ministroen Kontseiluarena, 1993ko apirilaren 2ko Barne ministroaren Aginduan argitaratua eta baso-suteengatik larrialdietako babes zibila antolatzeko oinarrizko gidabidea onartzen duena.

- Akordioa, 1994ko abenduaren 9koa, Ministroen Kontseiluarena, 1995eko urtarrilaren 31ko Erabakian argitaratua, uholdeen arriskuen kasuan babes zibila antolatzen duen oinarrizko gidabidea onartzen duena.
- Akordioa, 1994ko apirilaren 7koa, Ministroen Kontseiluarena, 1995eko maiatzaren 5eko Erabakian argitaratua, arrisku sismikoen kasuan babes zibila antolatzeko oinarrizko gidabidea onartzen duena.
- 105/1995 Errege Dekretua, urtarrilaren 27koa, Babes Zibilera-ko Estatu-Batzordearen osaketari buruzko 888/1986 Errege Dekretua aldatzen duena.
- Akordioa, 1996ko urtarrilaren 19koa, Ministroen Kontseiluarena, 1996ko otsailaren 21eko Erabakian argitaratua, sumendien arriskuen kasuan babes zibila antolatzeko oinarrizko gidabidea onartzen duena.
- 387/1996 Errege Dekretua, martxoaren 1ekoa, salgai arrisku-tsuen errepide eta trenbidezko garraioetako istripuen arriskuen kasuan babes zibila antolatzeko oinarrizko gidabidea onartzen duena.

B) Euskadi:

- Autonomia Estatutua (17. atala).
- 34/1983 Dekretua, martxoaren 8koa, Ihardun-antolakidete-
giak sortzekoa.
- 365/1991 Dekretua, ekainaren 11koa, Babes Zibileko Euskadi-
ko Batzardea sortzen duena.
- 107/1992 Dekretua, maiatzaren 5ekoa, istripu handiei aurre
hartzeari dagozkionean industri mailako ihardun jakin batzutan
Euskal Autonomia Erkidegoan agintea izango duten organoak
finkatzen dituena.
- 279/1993 Dekretua, urriaren 7koa, Babes Zibileko Euskadiko
Batzordearen osaketa aldatzeko dena.

- Agindua, 1994ko maiatzaren 19koa, Herrizaingo sailburuarena, Ertzaintzan Larrialdiei Aurre Egiteko Zuzendaritzaren Laguntzarako Zerbitzua (LAZLZ) sortzen duena.
- Agindua, 1995eko martxoaren 2koa, Herrizaingo sailburuarena, zenbait industri eta enpresetatik kanpoko Larrialdiei Aurre Egiteko Plangintzak onartzeko dena.
- Agindua, 1995eko azaroaren 6koa, Industria, Nekazaritza eta Arrantza sailburuarena, hainbat jardunetan gerta daitezkeen istripu larriei aurrea hartzeari buruzkoa.
- 1/1996 Legea, apirilaren 3koa, Larrialdiak Kudeatzekoa.
- 108/1996 Dekretua, maiatzaren 14koa, berorren bitartez Herri-zaingo Sailaren egitura organikoa finkatzen dena.

4. TERMINOEN GLOSARIOA

- Istripua: pertsona, elementu edo funtzioen ohiko egoera aldarazten duen ustekabeko gertaera, ondorio kaltegarriak sortzen dituena.
- Istripu larria: industri jarduera baten kontrolik gabeko garape-naren ondorioa den edozein gertaera -esaterako emisioa, ihesa, isurketa, sutea edo leherketa- pertsona, ingurugiro eta ondasunetan zuzenean edo zeharka arrisku larria edo hondamen publikoa dakarrena, nahiz instalazioen barruan nahiz kanpoan.
- Plana abiaraztea: aginpidea duen agintariak dagokion larrialdi-plana, osoa edo zati bat, martxan jartzea.
- Alarma: istripu bat gertatuko dela edo berehala gerta daitekeela ohartarazten duen eta babesteko neurriak hartzera eramaten duen ekintza edo mekanismoa.
- Alerta: istripu bat gerta daitekeela edo pertsona, ondasun edo funtzioetan eraginak eduki ditzakeela ohartarazten duen ekintza. Prest egotera eta berriak jasotzera eramaten du.
- Arriskuaren azterketa: arriskuak identifikatu, sailkatu, ebaluatu, murriztu eta kontrolatzeko teknika eskuragarriak.

- Hondamen publikoa: pertsonengan, ondasunetan, ingurugiroan eta azpiegituretan goren mailako kalteak sortzen dituen istripua, ekintza-taldean jarduteko gaitasuna eta Estatuko interesa arriskuan jartzerainokoa.
- Hondamendia: pertsonengan, ondasunetan edo ingurugiroan era askotako kalteak sor ditzakeen istripua, gizakien ekintza, naturaren indarrak edo inguruabar tekno-soziologikoak direla-eta sortutakoa.
- Ekintzak Koordinatzeko Zentroa (akronimoa EKZ da): operazio guztiak zuzendu eta koordinatzeko zentro edo gunea da. Babes zibileko zuzendaritza-organoei laguntzeko aginte-postua da. Informazioaren berri eman, informazioa koordinatu eta zentralizatzeko beharrezko gaitasuna eta ekipamendua izango ditu, larrialdia eragin duen egoera aztertu eta erabakitakoaren berri zabaltzeko. Era berean, zuzeneko harremanean mantendu beharko du planaren zuzendaria zuzendaritza edo kontroleko beste zentro edo gunea batzuekin. Ekintzen bateragune guztiak ekintzen koordinazio bateraturako zentro gisa jarduteko aukera edukiko dute, hainbat administrazio-tako ki-deak bateratuta.
- Larrialdiak koordinatzeko zentroak kudeatzeko bateragunea (SOS-Deiak): Larrialdien Kudeaketari buruzko Legearen 24. atalean aurreikusitako administrazio-zerbitzua; Segurtasun Saileko zerbitzua da, Larrialdiei Aurre Egiteko eta Meteorologiako Zuzendaritzari atxikia. Organo honek alertak eta laguntzarako deiak jasotzen ditu, eta laguntza teknikoak ematen du larrialdian behar diren zerbitzuak koordinatzeko eta bateragarri egiteko. Zentro horietan kokatzen dira Ekintzak Koordinatzeko Zentroa eta ekintzen bateragune elkartua, autonomia erkidegoko babes zibileko planak aktibatzen baldin badira.
- EAEko Babes Zibileko Batzordea: Larrialdien Kudeaketari buruzko Legeko 8. atalean aurreikusitako erakunde arteko organoa. Bere eginkizunen artean du, besteak beste, berri ematea edo, beharrezkoa denean, administrazioak egindako babes zibileko planak homologatzea.

- Zuzendaritza Batzordea: EAEko Babes Zibileko Lurralde Planeko zuzendaritza-egiturako organoa da. Autonomia Erkidegoko eta Estatuko ordezkari banak osatzen dute. Autonomiaz gaindiko interesa dagoen kasuetan jarduten du, eta, horri esker, zuzendaritza eta koordinazio-funtzioak eskualda daitezke.
- Aholkularitza Batzordea: EAEko Babes Zibileko Lurralde Planeko zuzendariari aholkuak emateko lantaldearen izena da. Planeko zuzendaritza eta EAEko Larrialdietarako Batzordearen egiturako parte da.
- Plan-zuzendaria: babes zibileko arloko planean egingo diren ekintzak zuzentzen dituen organoa. EAEko babes zibileko lurralde-planeko zuzendaria Segurtasuneko sailburua da.
- Estatuko oinarrizko jarraibidea: Babes Zibileko Oinarrizko Arauan aurreikusiriko plan bereziak egiteko eta homologatzeko Estatuak finkatutako oinarriei, egiturari, antolaketari, jarduteko irizpideei eta koordinatzeko tresnei buruzko gutxieneko baldintzak dira.
- Dominoarena: hitz honen bidez, ondorioak biderkatzen dituen efektu-katea adierazten da. Izan ere, fenomeno arriskutsuek, erosotutako elementuez gain, beste arrisku batzuk eragin ditzakete, eta, ondorioz, beste istripu edo hondamendiren bat gerta daiteke. Azken horiek, halaber, fenomeno arriskutsuak sortaraz ditzakete, eta horrela katea luzean.
- Larrialdia: istripu bat gertatu bitarteko egoera.
- Arriskuak neurtzea: arrisku baten baldintza edo ezaugarri bat beste irizpide batzuekiko edo aurretik jarrita dauden estandarrekiko baloratzeko teknika.
- Arriskuguneak: inguruko elementu edo jardueretan baino istripu-probabilitate handiagoa duten elementu edo jarduerak, edo elementu edo jarduera horietan istripuaren ondorioak handiagoak direnean, istripua beste elementu edo jarduera batzuetan gertatu izan balitz baino.

- Ekintza-taldeak: larrialdi bat gertatzen den tokian esku hartzen duten eta berariazko funtzioak dituzten jarduteko zerbitzu arrunt iraunkorren multzoa.
- Arriskuaren iragarpena: nahi ez diren gertaerak sortarazteko gai izan daitezkeen egoerak agerian uzteko prozedura kualitatiboaren multzoa.
- Esteka: planen arteko lotura. Maila desberdinetako planek dituzten prozedura eta baliabide berdinen multzoa, baita zuzendaritza-egituren eta jarduteko egituren artean dauden jakinarazteko bideak eta irizpideak ere, hori guztia bi planek arautua eta zehaztua.
- Larrialdien Kudeaketari buruzko Legea (LKL): 1/1996 Legea, apirilaren 3koa, larrialdiak kudeatzekoa.
- Arrisku-mapa: arriskuak aurkitzea, baloratzea eta aztertzea, baita aztergai diren arloek dituzten arriskuak ezagutzea ahalbidetzen duen informazioa lortzeko ikerketa, lurralde jakin bati ezartzen zaiona.
- Baliabideak: larrialdiak direnean ekintza-taldeek babes zibileko zereginak betetzeko dituzten giza eta materialazko elementu guztiak, nagusiki mugikorrek direnak.
- Mugiaraztea: istripu-egoera bati erantzuteko neurria da. Honen bidez, ezarritako seinale bat denean, egoera gertatu den tokira abiatzen da ekintza-egitura.
- Babes Zibileko Oinarrizko Araua: babes zibileko planak egiteko eta homologatzeko jarraibide nagusiak. Apirilaren 24ko 407/1992 Errege Dekretuak onartu zituen jarraibideak.
- Ataza: larrialdien fase edo egoeraren arabera larrialdien antolaketa parte hartzen duten pertsonen talde bakoitzak egin behar dituen ekintzen multzoa.
- Udal- eta foru-jarduteko planak: Udal- edo foru-agintariek egindako protokoloak. Bertan jasotzen dira Babes Zibileko Oinarrizko Arauan jasotako arrisku jakin batzuei aurre egiteko jarduteko-prozedurak. Plan Bereziak jasotako jarraibideak beteta egiten dira.

- Plan berezia: berariazko arriskuentzat egindako eta arrisku horien izaeratik teknika eta zientziatzko metodologia berezia behar duten babes zibileko planak. Estatuak (Estatuko plan bereziak eta oinarrizko planak) edo Autonomia Erkidegoak egin ditzake. Autonomia Erkidegoko plan bereziek lurralde-planarekin bateragarri eta osagarri izaten saiatu behar dute.
- Babes zibileko plana: plan hauen bidez ezartzen da zein den jardungo duen organo eta funtzionamendu-esparrua, eta zein bitarteko eta baliabide diren beharrezko arrisku larri, hondamendi edo hondamen publikoaren kasuetan pertsonak eta ondasunak babesteko. Halaber, esku hartu behar duten administrazio guztiak koordinatzeko egitura zehazten da.
- EAEko Babes Zibileko Lurralde Plana: Euskal Autonomia Erkidegoko udal- eta foru-planak biltzen dituen lurralde-plana. Egiten diren plan bereziak lurralde-planaren barruan sartzen dira.
- Lurralde-plana: lurralde-eremu zehatz batean ager daitezkeen larrialdi orokorre aurre egiteko babes zibileko plana. Autonomia Erkidegoan maila bakoitzeko erakundeetan egon daitezke lurralde-planak.
- Larrialdi-aurrea: gerta daitezkeen istripu edo hondamendi baten aurretik sortzen den egoera.
- Arloko ekintzen jardunbidea: babes zibilaren arloan plangintza egiteko tresnak dira, babes zibileko planak garatzen dituztenak. Babes zibileko planetako bitartekoen ekarpen zehatzak edo ezaugarri partzialak osatu edo eraginkorrak egiten dituzte.
- Ekintza-jardunbidea: larrialdi-egoera batean operazioa aurrera ondo eramateko egin behar diren ekintza partzialen bide zehatza.
- Aginte-postu aurreratua: istripua gertatu den tokitik gertu kokatzen den ekintza-egiturako organoa. Denbora guztian Ekintzak Koordinatzeko Zentroarekin harremanean egoten da. Hauexek dira partaideak: laguntzeko ekintzak zaindu, zuzendu eta koordinatzen dituzten ekintza-taldeetako buruak edo arduradunak.

- Bitartekoa: nagusiki estatikoa den elementu naturala edo artifiziala. Horiek edukita, larrialdietan lanak egin daitezke edo egiteko modua hobetu.
- Arriskua: ondorio kaltegarriak eragiten dituen gertaera bat (istripua) gauzatzeko dagoen aukera.
- Saioa: larrialdi-plana, itxurak eginez eta aurretik programatutakoa burutuz, abiaraztea. Saioaren bidez, praktikan jartzen dira planean aurreikusitako ekintzak.
- Larrialdiei Aurre Egiteko Bidea (LABI): EAeko herri-administrazioen esparruan, helburutzat edozein motatako larrialdiei erantzutea eta horiek kudeatzea duten plan, prozedura, mekanismo, tresna eta baliabide ororen multzoa. Horiek guztiak bateragarri izateak eta elkar osatzeak ezinbestez eskatzen du, xedapen honen bitartez, maila desberdinetako erakundeetan plangintzak egiteko oinarritzko jarraibideak ezartzea eta zehaztea. Arrazoi hori dela eta, EAeko Babes Zibileko Planak erakundeen artean dauden mailen plangintza egiteko jarraibideak finkatzen ditu.
- Mugiarazteko bide iraunkorrak: larrialdiekin zerikusia duten organoei mezuak bidaltzeko bidea, mezua edozein garaitan bidalita ere jasoko dutela ziurtatzen duena.
- Ekintzako taktikak: Deia edo alarma benetako denboran identifikatu eta ebaluatzeko prozedimenduak zehazten ditu, eta baliabideak lanean jartzeko zein neurri eta zein irizpiderekin hartu behar diren ere zehazten du; azken hori, arazo motaren eta larrialdiaren fasearen arabera.
- Erantzun-denbora: ekintza-taldeek alarma jasotzetik istripuaren tokira iritsi arte behar duten denbora-tartea.
- Kaltebera: arrisku zehatz batek kalte egin diezaiokeela agertzen duen pertsona, sistema edo elementu baten ezaugarria.
- Esku-hartzeko eremua: kaltetutako toki fisikoa. Bertan, istripuen ondorioek sortzen duten larritasuna arrazoia izaten da babesteko neurriak berehala ezartzeko.

I. IDAZPURUA

ARRISKUEN IRAGARPENA

1. SARRERA

Lurralde batean gerta daitezkeen gaitzen arriskuen indizeak lurralde horretako ingurune zehatz batean gauzatu ondoren lortzen den emaitza da arriskuen iragarpena.

Euskal Autonomia Erkidegoak, bere geografia, gizarte eta ekonomiazko osaketagatik, neurri handiagoan edo txikiagoan, arriskua ekar dezaketen naturazko nahiz gizakiak eragindako egoeren multzoa pairatzen du.

Naturazko arriskuen artean, uholdeena da gure erkidegoan garrantzitsuenetako bat. Iparraldeko arroan Kantauriko mendikatea gertu eta kostarekiko paralelo dagoelako, aldapa handiko ibai motzen sare bat dago. Ezaugarri horien ondorioz, denbora laburra behar izaten da ura kontzentratzeko, eta, hortaz, punta gehiago azaltzen dira bertako hidrograman.

Teknologiako arriskuen artean, gure erkidegoan industri jarduerak duen eragina nabarmendu behar da. Enpresa batzuk istripu larriei aurre hartzeari buruzko araudiaren pean daude.

Salgai arriskutsuen garraiotik eratorritako arriskuak ere kontuan hartu behar dira Euskal Autonomia Erkidegoan. Izan ere, bai lurrez

bai trenbidez, salgai horien trafikoa handia baita euskal errepideen sarean eta trenbideetan. Era berdinean azpimarratu behar da zama-lanak egiteko guneak oso populazio handiko inguruneetan daudela, eta horietako batzuk oso garrantzitsuak direla.

2. ARRISKUEN SAILKAPENA

2.1. Arrisku-mota orokorrak

Hondamendietan Laguntzak Koordinatzeko Nazio Batuen Agenziaren (UNDRORen) sailkapenari jarraituz, arriskuak hiru multzotan bana daitezke jatorriaren arabera:

- a) Naturak sortutakoak: arriskuaren eragilea ez da zuzenean gizakia edo bere jarduera, geologi eta klima-faktoreek baizik.
- b) Giza jarduerak sortutakoak: gizakien ekintza edo jarduerak sortutako arriskuak, edo ekintza nahiz jarduera horietatik ondorioztatzen direnak.
- c) Teknologiak sortutakoak: teknologi garapenetik eta teknologien aplikazio eta erabilera garrantzitsuetatik ondorioztatzen diren giza jarduerak sortutako arriskuak.

2.2. Sailkapena

Aurreko mailen arabera, Euskal Autonomia Erkidegoari eragin diezaioketen arrisku garrantzitsuenen sailkapen hau egin da, etorkizunean berriker badaiteke ere:

- a) naturak sortutako arriskuak:
 - 1) lur-higidura: lubizia eta lur-jausia.
 - 2) uholdea:
 - 2.1) erauntsia bertan izan delako.

- 2.2) isurketa edo uharreak izan direlako edo ibaiek gainezka egin dutelako.
 - 2.3) azpiegitura hidraulikoak hautsi edo oker erabili direlako.
- 3) eguraldia:
- 3.1) elurtea.
 - 3.2) euri-jasa.
 - 3.3) haizetea.
 - 3.4) enbata.
 - 3.5) txingor-zaparrada, izoztea.
 - 3.6) lehorte luzea.
- 4) lurrikara: Euskal Autonomia Erkidegoaren ezaugarri geotektonikoak ikusirik, ez du eragin arriskutsurik.
- 5) sumendia: Euskal Autonomia Erkidegoaren ezaugarri geotektonikoak ikusirik, ez du eragin arriskutsurik.
- b) teknologiak sortutako arriskuak.
- 1) kimikagai arriskutsuak ekoiztu, erabili eta biltegitratzetik datozenak.
 - 2) industri jarduera arriskutsuetatik datozenak.
 - 3) salgai arriskutsuen garraiotik datozenak.
 - 4) erradiazioarena: erradiazio nuklearra, instalazio erradioaktiboak, gai erradioaktiboen garraioa.
 - 5) ingurunearen kutsadurarena.
- c) giza jarduerak sortutako arriskuak (aurreko puntuetan zehaztu ez direnak).
- 1) trafiko eta herri-garraioarena.
 - a) airekoa.
 - b) itsaso eta ibaioa
 - c) tren eta metrokoa
 - d) errepidekoa (gurpildunen zirkulazioa)

- 2) sutearena
 - a) basoetakoa
 - b) herrietakoa
- 3) jendetza handiak biltzetik datozenak
 - a) jende asko ibiltzen den leku eta etxeetakoak
 - b) kultura, jai, erlijio eta bestelako ekitaldi jakinetakoak
- 4) epidemiarena
- 5) istripu eta galtzearena
 - a) mendian
 - b) itsasoan, ibaian, urtegian
 - c) haitzuloan eta lurrazpian
- 6) oinarrizko zerbitzurik ezarena
- 7) izurritearena
- 8) ingeniari-tza zibileko eraikuntzatik datozenak
- 9) espaziotik gauzak jaustearena (meteoritoak, sateliteak, etab.)

2.3. Arriskuen arteko lotura

Gertakariak aurrera joateko moduagatik, arriskuen mota batzuk elkarrekin lotuak egon daitezke. Horrelakoetan, egoera zehatza ezingo zaio arriskuen mota bakar bati egokitu. Arrisku bakoitzari dagokion plana egiterakoan hori azaldu egin behar da.

3. ARRISKUAK IRAGARTZEA ETA NEURTZEA

Euskal Autonomia Erkidegoari eragiten dioten arriskuak zeintzuk diren zehaztasunez esateko eta ezagutzeko, honako hauek erabil daitezke: historiako informazioa, iragarpenak, arriskua sortzen parte

hartzen duten aldagaiak neurtzeko instalazio edo tresna finko nahiz mugikorrek emandako datuak, edota «dominoarenari» buruzko arrisku-ikerketak.

Arriskuen ikerketek, ahal denean eta eragiten duten ingurune bakoitzerako, probabilitate gehiago dituzten urteko sasoiak zein diren zehaztu behar dute, baita maiztasuna eta gerta daitezkeen kalteak ere.

Era berean, arriskuen arteko lotura kontuan hartu behar da. Horretarako, udalaren egituratik abiatuta, komeni da zehaztea zein diren arrisku natural batek eta beste teknologi arrisku batzuek sortutako egoera baten eragina jasan dezaketen pertsonen pilaketa-puntuak, iraunkorrak edo noizbehinkakoak. Ondoren, arriskuen artean egon daitezkeen sinergia aintzat hartuz, puntu beltzak koka daitezke.

Larrialdiei Aurre Egiteko Eusko Jaurlaritzako Zuzendaritzak EAEn dauden arrisku nagusiei buruzko ikerketa bat egin eta egunean mantendu egiten du. Horretarako, kontuan hartzen du udal-eta foru-babes publikoko programetako informazioa, bestelako datuak ere kontuan hartuko badira ere. Bestelako datuak lortzeko Eusko Jaurlaritzaren beste sail batzuek, beste erakunde edo erakunde publikoek zein pribatuek parte hartzea eskatu ahalko du eta, hala badagokio, komenioak sinatu ere bai.

4. ARRISKUEN MAPA ETA INBENTARIOA

Euskadiko arriskuen inbentarioa egin behar du Larrialdiei Aurre Egiteko eta Meteorologiako Zuzendaritzak. Inbentarioak prestatzeko, zenbait datu jaso behar dira: aurreragoko ikerketetan bildutako informazioa, aurrea hartzeko jardueretan edo hondamen publikoetan jasotako informazioa, plan bakoitzeko arriskuei buruz jakin daitezkeen datuak, eta beste edozein iturritatik bildutako informazioa.

Arrisku-mapa Larrialdiei Aurre Egiteko eta Meteorologiako Zuzendaritzak egin behar du: Euskal Autonomia Erkidegoan eragin de-

zaketen arrisku guzti-guztiak bildu eta kokatzen ditu kartografia ofizialean.

Inbentarioa eta arrisku-mapa etengabe eguneratua erantsiko zaio Euskal Autonomia Erkidegoko Babes Zibileko Planari.

5. ADMINISTRAZIOAREN ESKU-HARTZEA ARRISKUEN IRAGARPENAREN ARABERA

Arriskuen iragarpenaren emaitzek ezartzen dituzte Euskal Autonomia Erkidegoaren plangintzaren lehentasunak.

Arriskuen iragarpenaren emaitzak, inbentarioa eta arrisku-mapa lurralde-antolamenduan aginpidea duten organoei bidaliko zaizkie, horrela, Lurralde Antolakuntzari buruzko maiatzaren 31ko 4/1990 Legean aurreikusitako plangintzarako tresnak egin, izapidetu eta onartzerakoan, arriskuei buruzko informazioa gogoan har dadin.

Aginpidea duten agintariek eskatuta, Larrialdiei Aurre Egiteko eta Meteorologiako Zuzendaritzak, edozein administrazio-jardunbidean, txostenak egin ahal izango ditu arrisku edo hondamen publikoetako segurtasun-aldeei buruz, hain zuzen ere, alde horiek hobetzen laguntzeko. Erakunde horrek, halaber, txostenak eska diezazkieke babes zibilarekin lotutako gaietan aginpidea duten agintariei.

II. IDAZPURUA

BALIABIDEAK ETA BITARTEKOAK ZEHAZTEA

1. BALIABIDE ETA BITARTEKOAREN KONTZEPTUAK

Baliabideak: larrialdiak direnean ekintza-taldeetan sartzen diren materiazko elementu eta giza elementu guztiak dira, nagusiki mugikorrak. Babes zibilaren zereginak betetzeko erabiltzen dira.

Bitartekoak: larrialdiak direnean lanak egingarri bihurtzeko edo hobetzen laguntzeko eduki behar diren elementu natural eta artifizial guztiak dira, nagusiki estatikoak.

2. BALIABIDE ETA BITARTEKOEN JATORRIA

Babes zibileko planen esparruan, materiazko eta giza elementuak mugiaraz daitezke: horiek dira baliabide eta bitarteko. Materiazkoen artean, mugiarazi ahal izango dira arrisku eta hondamendietan erabili daitezkeenak, eta hori edozein izaera eta jabetza dutela ere.

Jabetza pribatuko baliabide eta bitartekoak Larrialdien Kudeaketari buruzko Legearen 20. ataleko irizpideen arabera mugiarazi eta erabiliko dira, beti ere, larrialdi-egoeretan herritarren betebeharrak arautzen dituzten legeek ezartzen dutenarekin bat (urtarrilaren 21eko 2/1985 Legeko II. atalburua).

3. BALIABIDE ETA BITARTEKOEN KATALOGOA

Datu deskribatzaileak, zenbakizkoak eta grafikoak dituzten artxi-boak dira katalogoak. Bertan, kasuan kasuko plangintza-esparruarekin bat, mugiarazi ahal diren baliabide eta bitartekoei, bere ditueinei edo esleitutakoei, buruzko informazio guztia jasotzen da.

Babes zibileko plan guztien baliabide eta bitartekoak indarrean dagoen sailkapen-sistema bakar eta kodifikatu homologatuaren arabera katalogatuko dira.

Katalogatzerakoan, baliabide edo bitarteko bakoitzaren erantzun-gaitasuna gogoan hartuko da (denboraren aldetik, koalitatiboki eta koantitatiboki). Horretarako, ezartzen den arrisku-kasu bakoitzean nola jokatzeko duten ikertuko da, eta adieraziko da, gutxienez, baliabide eta bitartekoaren titularitatea, kopurua, egoera, erabilgarritasuna, mugitzeko modu iraunkorrak eta erantzuteko denbora.

Euskadiko Babes Zibileko Planak bitarteko eta baliabideen katalogo propioa du, eta katalogo horretan jasota daude Euskal Autonomia Erkidegoko udal- eta foru-administrazio guztiek sortu eta mantentutako bitarteko eta baliabideen gainerako katalogo guztiak. Era berean, Euskadiko Planari atxikitzen zaizkion beste administrazio batzuen bitarteko eta baliabideen katalogoa ere izango du Euskadiko Babes Zibileko Planak. Larrialdiei Aurre Egiteko Eusko Jaurlaritzako Zuzendaritzaren eginkizuna izango da katalogo hori etengabe eguneratuta edukitzea.

Planaren zuzendaritzakoak diren organoek informatikako euskarrian gordeko dute bitarteko eta baliabideen katalogo hori, eta Euskadiko Babes Zibileko Planari erantsita egongo da.

4. BALIABIDE ETA BITARTEKOAK ELKARRI ESLEITZEA

Era honetan bideratzen dira baliabide eta bitarteko publikoak erakundeen artean:

- a) babes zibileko plan bakoitzaren ezarpen egonkorraren arabera;
- b) kasuan kasuko arrisku edo hondamendiak sortu duen behar larriaren arabera.

Esleipen horien helburua babes zibileko lurralde-planen eragin-kortasuna areagotzea izango da, hain zuzen ere planetan jasotako jarduerak hobeto burutzeko. Esleipenaren akordioan, beste batzuen artean, hauek zehaztu beharko dira, gutxienez: zeintzuk diren aurre-eraman beharreko eginkizunak (beti ere kasuan kasuko planean aurreikusitakoen artean), emandako bitarteko eta baliabideak nola jarriko diren lanean, planaren antolaketaren barruan nola sartuko diren eta esleipena zenbat denboran egongo den indarrean.

Administrazio batenak diren bitarteko eta baliabideak maila txikiagoko lurralde-plan baten esku uzteko, berariaz hartu beharko du erabaki hori gaineratik duen organoak, dituen premiak nolakoak diren ikusi ostean; gainera, ekintza horren berri eman beharko dio Euskadiko Babes Zibileko Batzordeari.

Bitarteko eta baliabide horiek uzten badira ere, besteren esku utzi dituen administrazioko agintariak erabili ahal izango dituzte, beste lurralde batzuetako larrialdiek erabili beharra eragiten baldin badute. Dena den, horren berri eman beharko diote agintariak beren plana zuzentzen duen zuzendaritza-organoari.

III. IDAZPURUA

EUSKAL AUTONOMIA ERKIDEGOKO BABES ZIBILAREN PLANGINTZA

I. ATALBURUA. XEDAPEN OROKORRAK

1. PLANAREN KONTZEPTUA

Babes zibileko planek xedatzen dituzte arrisku larrian, hondamendi edo hondamendi publikoen kasuetan, pertsonak eta ondasunak babesteko esparru organikoa eta praktikoa, eta baliabideak eta bitartekoak mugiarazteko mekanismoak eta baita esku-hartzera deitutako administrazioen arteko koordinatzeko eskema ere (LKLren 13.1.a).

2. PLAN MOTAK

Babes zibileko planak lurraldekoak edo bereziak izan daitezke (LKLren 14.1.a).

3. BABES ZIBILEKO PLANGINTZARAKO BESTE TRESNA BALIAGARRI BATZUK

Larrialdiei aurre egiteko sistema bateratzea dela eta, babes zibileko plangintza egiteko tresna baliagarritzat jotzen dira autobabes planak eta ekintzako taktikak.

4. BABES ZIBILEKO PLANGINTZA

Planak onartzeko aginpidea duen administrazioak egiten ditu planak. Planetan ondo bereizi behar dira alde deskriptiboak eta ekintza hutsak, plan berean dokumentu desberdinak eginez. Ahalik eta hitz gutxienekin eta argien idatziko dira eta lexiko bateratua erabiliko da.

Administrazio bakar batek lurralde berean bi edo plan gehiago onartzen dituenean, plana zuzentzen duen zuzendaritza osatzen duten organoek gordeko dituzte plan horiek, eta dokumentu bakar baten atal zatitu ezinak baina identifikatzeko modukoak izango dira.

Plan horiek izan beharreko egitura eta edukari dagokionez, Estatuko oinarrizko araudian eta Plan Gidari honetan jarritako gutxienekoak bete beharko dira.

Segurtasun Sailak babes zibileko edozein plan mota egiteko gidak zabaldu ahal izango ditu, planak idaztea erraztu eta denak homologatutakoak izateko.

5. PLANEN ONARPENA

- a) Gobernu-Kontseiluak onartzen ditu EAEko Babes Zibileko Lurralde Plana eta plan bereziak, Segurtasuneko sailburuak proposatuta LKLren 4.a) atala).
- b) Udal- eta foru-administrazioetako organo aginpidedunek onartzen dituzte udal- eta foru-erakundeetako lurralde-planak (LKLren 6.a) eta 7.b) atalak).

6. HOMOLOGAZIOA

Atalburu honetako planak -plan horiek onartzen dituen agintaria edozein dela ere-, EAEko Babes Zibileko Batzordeko Idazkaritzari bidali beharko zaizkio, baldin eta Euskal Autonomia Erkidegoan erabateko edo alde bateko eraginik badute, horrela organo aginpidedunak txostena egin dezan eta, behar izanez gero, homologa ditzan.

Planak atalburu honetako 3. azpiatalean agertzen diren arauetara eta planifikatzeko baliabideetara moldatzen diren egiaztatzean datza homologazioa.

Homologatzeko aginpidea duten organoak honako hauek dira:

- a) Babes Zibileko Estatuko Batzordea, EAEko babes zibileko lurralde-planerako eta Estatuko oinarrizko arauetan aurreikusitako plan berezietarako.
- b) EAEko Babes Zibileko Batzordea, udaletako eta aldundietako lurralde-planetarako eta Estatuko oinarrizko arauak aurreikusten ez dituzten plan berezietarako.

7. PLANEN ERAGINKORTASUNA ETA INDARRALDIA

EAEko Babes Zibileko Batzordeak homologatzekoak diren planak eta horien aldaketak ezin izango dira ezarri homologazio zehatza egin arte edo, dagokion erroldan plana aurkeztu eta hiru hilabete pasa izanagatik, isileko homologazioa egin arte.

Homologatu gabeko lurralde-planak aldatu egin beharko dira, homologazioa oztopatzen duten zergatiak kontuan harturik; eta atzemandako akatsak zuzendu arte lurralde-planik zabalena egongo da indarrean.

Babes zibileko planak homologatzen dituen EAEko Babes Zibileko Batzordearen erabakiak Euskal Herriko Agintaritzaren Aldizkarian (EHAA) aditzera emango dira.

Plana homologatu zuen akordioaren testua planaren testuarekin batera jasoko da, eta hau idatziko da: EAEko Babes Zibileko Batzordeak homologatuta, X. bileran, xx-xx-xx (urtea, hilabetea eta eguna).

Planen indarraldia mugagabea da, beharrezkoa izanik planak gaurkotu eta moldatu egingo badira ere.

Datu fisikoak, pertsonalak edo teknikoak gaurkotzeak eragindako aldaketek planen funtsezko edukinean ondorioz ez badute, ez da beharrezkoa izango berriro homologatzea, dagokien pertsona publiko eta pribatuei aldaketen berri eman behar bazaie ere.

8. BABES ZIBILAREN PLANEN EZARPENA ETA MANTENIMENDUA

Babes zibileko plan bat onartzerakoan, dituen alderdi mugikor eta iraunkorrak besterik ez dira finkatzen; planaren kalitatea eta benetako eraginkortasuna behar bezala ezartzearen eta mantentzearen menpe dago.

Plana erabat eraginkor bihurtzen duten edukin tekniko edo egiturazko batzuk garatzea dakar plana ezartzeak.

Plana mantentzeak eta berrikusteak etengabeko doikuntzak eta hobekuntzak egitea esan nahi du. Horiek bermatuko dituzte erantzunetan partaide diren alderdien integrazio-maila egokia eta planaren oinarri diren egituren finkapena; hala berean, zabalik egongo dira gertatzen diren aurrerakuntzak, berrikuntza teknikoak edo arauen aldaketak hartzeko.

Babes zibileko planak egiten eta onartzen dituzten administrazioen ardura da planak ezartzea eta mantentzea.

II. ATALBURUA. PLANGINTZAREN EGITURA OROKORRA

1. GIDA PLANAREN IZAERA

Eremu desberdinetako babes zibileko planak erabat eraginkorra den eta berehalako integrazioa egiterik duen plan-multzo batean sartu behar dira. Horretarako, EAEko Babes Zibileko Planak (Larrialdiei Aurre Egiteko Bideak) planifikatzeko egitura orokorra mugatu behar du eta, horretarako, Euskal Autonomia Erkidegoko planifikatzeko prozesuaren funtsezko eta betiko osagaiak zehaztu eta udaletako edo aldundietako babes zibileko planak lantzeko jarraibideak finkatu. Azken jarraibide horiei egokitu beharko dira babes zibileko planak, horrela EAEko Babes Zibileko Batzordeak homologa ditzan.

Aipatutako gida-izaera horren arabera, puntu hauek zehazten dira atalburu honetan:

- a) Lurralde-planen eginkizunak, ezaugarriak eta gutxieneko edukiak euskal erakunde-maila bakoitzaren aginpideekin, zerbitzuekin eta bitartekoekin, hots, erakundeek duten erantzuteko gaitasunarekin, bat etorritz. Beraz, konpromisua hartu duten erakunde-maila bezainbeste lurralde-plan mota egongo dira. Lurralde-planek, autonomi maila baino baxuagokoak badira, prebentzio eta autobabesari emango diete lehentasuna, larrialdiei aurre egiteko beren esku-hartzeko antolaketa eratu beharra badute ere.
- b) Euskal Autonomia Erkidegoko plangintza berezia edukiko duten berariazko arriskuak, baita plan bereziak egiteko jarraibideak ere, EAEko Babes Zibileko Lurralde-Planarekin bat egingo dutela eta hor sartuko direla bermatzeko.

2. PLANGINTZAREN ESKEMA OROKORRA

Larrialdiei Aurre Egiteko Bideari dagozkion ondorioetarako, hurrengo hauek izango dira Euskadiko Babes Zibileko Planak:

A) Babes zibileko planak

1) Plan bereziak:

a) Babes Zibileko Oinarrizko Arauan (HBOA) aurreikusitakoak:

- 1) uholdeak
- 2) arrisku kimikoa
- 3) baso-suteak
- 4) merkantzi arriskutsuen garraioa
- 5) bestelakoak

b) HBOA n aurreikusten ez direnak:

2) Lurralde-planak edo arrisku-anitzekoak:

- a) EAEko Babes Zibileko Lurralde Plana
- b) lurralde historikoetako planak
- c) udal-planak

B) Euskadiko Babes Zibileko Arloko ekintzen plana garatzeko jardunbideak:

- 1) Osasunaren esparruko ekintzen jardunbidea
- 2) Aterpe eta sorospenaren esparruko ekintzen jardunbidea
- 3) Herritarren segurantzaren esparruko ekintzen jardunbidea
- 4) Errepidearen esparruko ekintzen jardunbidea
- 5) Garraioaren esparruko ekintzen jardunbidea
- 6) Hornikuntzaren esparruko ekintzen jardunbidea
- 7) Transmisioaren esparruko ekintzen jardunbidea
- 8) bestelakoak

C) Udal- eta foru-mailako jarduteko planak

D) Ekintzako taktikak

E) Autobabes planak

III. ATALBURUA. LURRALDE PLANGINTZA

1. XEDAPEN OROKORRAK

1.1. Kontzeptua

Lurralde-planak lurralde-eremuetan gerta daitezkeen larrialdi orokorre, horien prebentziozko alderdietan nahiz ataza-alderdietan, aurre egiteko lantzen dira (LKLren 14.2 atala). Edozein motatako arrisku-egoerei aurre egiteko gai den egitura antolatzaile orokorra ezarriko dute, egitura hori aurreikusita egon edo ez dagokion planean.

Lurralde-planak arrisku anitzetarakoak direnez, baina larrialdi zehatzei aurre egiteko erabateko eraginkortasuna ere izan behar dutenez, arrisku edo jarduera zehatzetarako arloko ekintzen jardunbideak ere jasoz osatu ahal izango dira.

1.2. Mota desberdinetako lurralde-planifikazioek dituzten lehentasunak

Euskal erakunde-maila bakoitzak dituen aginpideen eta erantzuteko ahalmenaren arabera zehazten dira planifikatzeko eredu desberdinak.

Euskal Autonomia Erkidegoko baino erakunde-maila baxuagoek, orokorrean, ez dute izango goi-mailako administrazioek duten atazarik eta baliabiderik; kontuan izanik foru- eta udal-erakundeek Antolamenduak emanda dituzten aginpideak eta herritarrengandik hurbil daudelako herritarren parte-hartzea ahalbideratzen dutela, erakunde horiek egingo dituzten planek prebentzioari eta autobabesari emango diete lehentasuna.

Horregatik, aipatutako alderdiei lehentasuna emanez beti ere, lurralde-planen eginkizunak, ezaugarriak eta gutxieneko edukiak zehazten dira; beste ekintza-planak eta larrialdietan esku-hartzeko

planak egin ditzakete hala ere, plan bakoitza egin duen administrazioak dituen baliabideekin eta bitartekoekin edo beste administrazio batzuek esleitutakoekin.

1.3. Planaren araberako organo aginpidedunak

EAEko Babes Zibileko Lurralde Plana onartzeko aginpideduna da Eusko Jaurlaritzak.

Lurralde historikoetako agintariak beren eremuetako foru-erakundeetako babeseko lurralde-planak egin eta onartzeko aginpidea izango dute.

20.000 biztanle baino gehiago dituzten udalek eta turistikoak direlako urtarotan biztanle-kopuru hori baino handiagoa dutenek beren babes zibileko lurralde-planak egin eta onartu beharko dituzte.

Eusko Jaurlaritzak bultza dezake lurralde-planak egitea, onartzea eta mantentzea 5.000 biztanle baino gehiago duten euskal udalerrietan edo udalerriek dituzten berariazko ezaugarriengatik kome-nigarria denean.

2. UDAL- ETA FORU-PLANGINTZARAKO JARRAIBIDEAK

2.1. Udalen lurralde-planetarako jarraibideak

2.1.1. Helburuak

Udaletako babes zibileko planen oinarritzko helburuak honako hauek dira:

- a) udal-eremuan larrialdietan esku hartzeko antolamendu-egitura eta jardunbideak eratzea. Berariaz, berehalako laguntza emateko udal-taldean antolamendua aurreikustea; talde horietan boluntarioak sartzerik izango da,
- b) udal-eremuan autobabesa sustatzea eta bultzatzea,

- c) udalerriko arriskuak eta elementu ahulak identifikatzea eta aztertzea,
- d) prebentzio-neurriak zehaztea antzemandako arriskuak saihesteko edo gutxitzeko,
- e) arriskuei, prebentzio- eta hartu beharreko babes-neurriei buruzko argibideak ematea biztanleei eta kontzientziaraztea,
- f) EAEko Babes Zibileko Lurralde Planarekin batasun batean antolatzen diren sistemak ezartzea eta goragoko mailako planak zuzendu eta koordinatzen dituzten zentroekin lotzeko sistemak ezartzea.

2.1.2. *Gutxieneko edukia*

Udaleko lurralde-planek, homologatzeko eta maila altuagoko beste plan batzuetan integratzeko, hurrengo alderdi hauek, bederen, erabakiko dituzte:

- a) planaren edukia eta helburua; horretarako udaleko babes zibileko antolakuntza aztertu eta ikertu beharko dira.
- b) lurraldearen azterketa, hau da, udalerri, ingurune eta biztanlearen deskribapena.
- c) arrisku eta ahultasunaren azterketa; horretarako, udalerrian larrialdi-egoerak sor ditzaketen arrisku guztien identifikazioa eta azterketa egin beharko da, hau da, arrisku eta arriskuguneen deskribapena, sailkapena eta kokapena; eremu arriskutsuen mugaketa eta ahultasunaren azterketa. Baita lurraldeari buruzko informazioaren ebaluaketa ere, informazio horrek normaltasuna aldatzen duten egoerak baldintza baditzake.
- d) prebentzio-jarduerak, hots, arrisku-baldintzak saihesteko edo gutxitzeko neurrien finkapena; arrisku-azterketa eta hirigintza-plangintzaren arteko lotura aztertzea; herritarrei zuzendutako kanpainak diseinatzeko oinarrien zehazpena, arriskuei buruz kontzientzia har dezaten eta babes-neurrietara ohi daitezuten.

- e) antolamendua: egitura organiko eta funtzionalaren finkapena, plan-zuzendariaren eta aholku-batzordearen figuren zehazpena, arriskuetan edo hondamendietan zein udal-zerbitzuek jardun dezaketen eta ekintza-taldeetan nola egituratu beharko diren zehaztea, agintariak, eginkizunak eta koordinatzeko arauak izendatuta; planaren ekintzak koordinatzeko zentroaren zehazpena.
- f) ataza: plana formalki abiaraztea erabakitzen duten agintariak, mekanismoak eta egoerak; herritarrei, zerbitzuei, taldeei eta agintariei larrialdi-deiak, alerta eta larrialdi-planen hasiera eta amaiera jakinarazteko baliabideak; babespen eta sorospen neurriak duten helburua eta irismena, ebakuatzeko bideak, etabar,...;
- g) EAEko babes zibileko lurralde-planean integratzeko mekanismoak eta maila altuagoko planak zuzendu eta koordinatzeko zentroekin lotzeko sistemak.
- h) larrialdi batean ezarpen zuzena edo zeharkakoa izan dezaketenean baliabide eta bitartekoen, propio nahiz esleituen katalogoa. Baliabideak eta bitartekoak katalogatzeko indarrean dauden kodeen zerrendarekin bat egin beharko du katalogoak eta datu hauek ere jasoko ditu, hots, organo eta pertsonen nortasuna, aurkitzeko moduak eta, kasuan kasu, helbideak.
- i) Planaren eraginkortasuna ezartzea eta mantentzea.

2.2. Foru-erakundeen lurralde-planetarako jarraibideak

2.2.1. Helburuak

Erakundeen oinarritzko helburuak hurrengo hauek dira:

- a) foru-erakundeen esku dauden baliabideek eta bitartekoez larrialdietan esku-hartzeko zer-nolako antolaketa-egitura eduki behar duten eta zer-nolako jardunbideak abiarazi behar dituzten aurreikustea.

- b) udal-planetan egindako arrisku-azterketak osatzen dituzten azterketak egitea.
- c) lurraldea eremuetan sailkatzea, gerta daitezkeen esku-hartzeko eskaeren arabera eta foru-erakundeen esku dauden baliabideen eta bitartekoen hedapenaren arabera eta, halaber, larrialdi-operazioetan erabili beharko den azpiegitura fisikoa kokatzea ere.
- d) aurreikusitako jarduerak martxan jartzeko beharrezkoak diren berariazko baliabideak eta bitartekoak katalogatzea.
- e) udal-planei baliabideen eta bitartekoen izendapena edo ekarpen osagarria egiteko bideak aurreikustea.
- f) EAEko Babes Zibileko Lurralde Planarekin batzeko sistemak zehaztea.

2.2.2. *Gutxieneko edukia*

Foru erakundeetako lurralde-planak homologatzeko eta maila altuagoko beste plan batzuetan integratzeko, hurrengo alderdi hauek, bederen, erabakiko dituzte:

- a) planaren edukia eta helburua.
- b) arriskua eta puntu ahulak aztertzea: lurralde historikoan larrialdi-egoerak sor ditzaketen arriskuei buruzko azterketa orokorra eta osagarria egitea, udalerrietako datuak lurralde historiko osoko datuetara estrapolatu ondoren lortu diren emaitzak kontuan harturik. Era horretan, arriskuak eta arriskuguneak deskribatzea, sailkatzea eta kokatzea, eremu arriskutsuak mugatzea, puntu ahulak aztertzea eta horien inbentarioa egitea. Lurraldeko informazioa ebaluatzea, informazio horrek normaltasuna aldatzen dituzten egoerak baldintza baiditzake.
- c) prebentzio-jarduerak: arriskuak aztertzearen ondoriozko emaitzen eta hirigintzako plangintza egiteko tresnen artean dagoen lotura zein den ikustea; herritarrei zuzendutako uda-

leko informazio-kanpainak sustatzea, arriskuei buruz kontzientzia har dezaten eta babes-neurrietara ohi daitezen.

- d) antolamendua: organoen eta eginkizunen egitura; plan-zuzendariaren eta horren aholku-batzordearen figura eta arrisku-eraketan edo hondamendietan jardun dezaketen foru-zerbitzuak erabakitzea; aurrekoen eginkizunak, koordinatzeko arauak eta jarduera erabakitzea eta baita planaren ekintzak koordinatzeko zentroa ere.
- e) ataza: plana formalki abieraztea erabakitzen duten agintariak, mekanismoak eta egoerak; udal-planei bitartekoak eta baliabideak esleitzeko eta/edo emateko mekanismoak; herritarrei, zerbitzuei, talde eta agintariei larrialdi-deiak eta alertak helduarazteko baliabideak; babespen eta sorospen neurriak duten helburua eta hedapena, eta abar.
- f) EAEko Babes Zibileko Lurralde-Planean integrazteko mekanismoak.
- g) baliabideen eta bitartekoen katalogoa: larrialdian zuzen edo zeharka ezarri daitezkeen baliabide eta bitartekoak dira, foru-erakundeak edo esleituak. Baliabideak eta bitartekoak katalogatzeko indarrean dagoen kodearen zerrendarekin bat egin beharko du katalogoak. Planaren egituraren parte duten pertsonen nortasun-datuak, non aurkituarenak eta, hala badagokio, organoen eta pertsonen helbidea biltzen dituen direktorioa ere jasoko da katalogoan.
- h) Planaren eraginkortasuna ezartzea eta mantentzea.

IV. ATALBURUA. PLANGINTZA BEREZIA

1. KONTZEPTUA

Arrisku zehatz batzuek, beren izaeragatik, berariazko teknika eta zientziazko metodologia behar dute bai jarduera-arloen arabera, bai

larrialdi-moten arabera, baita jarduera zehatzetarako ere. Arrisku horiei aurre egiteko egiten dira plan bereziak (LKLren 14.3 atala).

2. BABES ZIBILEKO OINARRIZKO ARAUAN AURREIKUSITAKO PLAN BEREZIAK

Babes Zibileko Oinarrizko Arauan jasota daude arrisku-azterketen emaitzen arabera Euskal Autonomia Erkidegoan duten berariazko eraginatik plan bereziak egitera behartzen duten arriskuak. Horiek dira plan berezien xede; uholdeak, arrisku kimikoak, merkantzi arriskutsuen garraioa eta baso-suteak, berriz, behin-behineko xede dira.

3. BABES ZIBILEKO OINARRIZKO ARAUAN AURREIKUSTEN EZ DIREN BESTE PLAN BEREZI BATZUK

Euskal Autonomia Erkidegoko beste arrisku batzuk ere izan daitezke plan berezien xede, Estatuko oinarrizko arauan aurreikusirik ez egon arren, baldin eta beren izaera eta tratamenduagatik garrantzitsuak badira.

4. FORU ETA UDALEN ARLO-EKINTZETAKO JARDUNBIDEA

4.1. Kontzeptua

Plan bereziek agindu dezakete udalerriko edo lurralde historikoetako organo aginpidedunek arrisku zehatzei aurre egiteko berariazko planak egitea eta onartzea (LKLren 17.2 atala). Estatuko oinarrizko jarraibideetan eta plan berezietan zehaztutako jarraibideak kontuan harturik.

Berariazko plan horiek, egin beharrekoak direnean, lurralde-planekin edo foru-planekin batera gordeko dituzte planaren egituran

sartzen diren organoek, eranskin modura jasota, eta agiri bakarra osatuko dute, edukia bereizteko modukoa izango den arren.

4.2. Baso-suteei aurre egiteko Ekintzen Foru Plana

Baso-suteei aurre egiteko plan bereziak aurreikusi beharko ditu arrisku horren aurka egiteko lurralde historikoetako organo aginpidedunek egin eta onartutako jarduteko foru-planak, arrisku horretarako jarraibideen arabera egindakoak. Baso-suteetarako plan bereziak zehaztu egin beharko ditu Autonomia Erkidegoak Ekintzen Foru Planari laguntzeko eta bitartekoak eta baliabideak emateko mekanismoak. Plan horrek, halaber, arriskuaren larritasun-mailak sailkatuko ditu, behin maila batetik aurrera Eusko Jaurlaritzako agintarien zuzendaritza- eta koordinazio-lana ziurtatzeko beharrezkoak diren antolakuntza-jardunbideak martxan jartzea eskatzen baitute.

4.3. Homologazioa

EAEko Babes Zibileko Batzordeak homologatu behar ditu aurreko lerroaldeetan aipatzen diren udal- eta foru-jarduteko planak eta plan horiek dagozkien plan berezietan sartuko dira (LKLren 17.2 atalaren azken lerroaldea).

V. ATALBURUA. ARLOKO EKINTZEN JARDUNBIDEAK

1. DEFINIZIOA

Arloko ekintzen jardunbideek ezaugarri partzialak, inguruabar zehatzak edo bitarteko nahiz baliabideen ekarpenak arautzea dute helburu, bai babes zibileko planak osatzeko, bai horiek eraginkor bihurtzeko.

2. EAEKO BABES ZIBILEKO LURRALDE PLANARI LOTUTA DAUDEN ARLOKO EKINTZEN JARDUNBIDEAK

Une zehatzetan arloko ekintzen beste jardunbide batzuk ere aurreikusi daitezkeen arren, hurrengo hauek egingo dira eta EAEko Babes Zibileko Lurralde Planean sartuko:

- a) Osasunaren arloko jardunbidea.
- b) Aterpe eta sorospenaren arloko jardunbidea.
- c) Herritarren segurantzaren arloko jardunbidea.
- d) Errepideen arloko jardunbidea.
- e) Garraioaren arloko jardunbidea.
- f) Hornikuntzaren arloko jardunbidea.
- g) Transmisioaren arloko jardunbidea.
- h) bestelakoak

Arloko ekintzen jardunbide bakoitzak bere koordinatzailea (EAEko Babes Zibileko Planaren zuzendariaren ardurapean egongo dena) eta antolatzeko bere egitura ere izango du, eta, kasuan kasu, arloko koordinazio-zentroak. Bitartekoak eta baliabideak mugiarazteaz arduratuko dira bateragune horiek eta Euskal Autonomia Erki-degotik kanpoko bitartekoak eta baliabideak mugiarazteko eska diezaiokete Ekintzen Bateragune Elkartuari (EBE).

Arloko ekintzen jardunbideek koordinatzaile bat izango dute, eta pertsona horren erantzukizuna izango da larrialdiren bat sortzen denean ekintzak eraginkortasunez abiaraztea. Era berean, jardunbide horiek hobetu, eguneratu eta parte hartzen dutenen artean hedatzea ere bere erantzukizuna izango da.

Arloko ekintzen jardunbideak dena delako arloan aginpidea duten agintariek egingo dituzte, eta, ondoren, EAEko Babes Zibileko Batzordeak derrigorrez eman beharreko irizpenaren menpe geratuko da. Irizpen horren emaitza lotesle edo binkulantea izango da, eta jardunbideak EAEko Babes Zibileko Lurralde Planari egokitzen zaizkion aztertuko du.

EAEko Babes Zibileko Lurralde-planak magultasun handikoa izan behar du, horrek ekarriko dio planari funtzionaltasuna. Horrela, arloko plan bat edo gehiago jar daitezke martxan, plan osoa abian jarri beharrik gabe.

3. EUSKADIKO ITSAS SALBAMENDUKO PLANA ETA LARRIALDI ERRADIOLOGIKOEI AURRE EGITEKO EKINTZA PLANA

Segurtasun Sailak onartuko du Larrialdi Erradiologikoei aurre egiteko Ekintzen Euskal Plana, Larrialdi nuklearretako estatu planak lagundu eta indartzeko. Jarduteko plan horrek aipatutako estatu-planetan aurreikusitako antolakuntzan sartzeko gai izan beharko du, estatu-plan horietan ezarritakoaren arabera.

VI. ATALBURUA. AUTOBABES PLANAK

Herritarren autobabesa eta babes korporatiboa babes zibilaren oinarrietariko bat da eta administrazio publikoei dagokie autobabes hori sustatzea eta kontrolatzea.

LKLren 11. atalean ezarrita dago eduki hauek jasotzen dituen kalalogoia araudi bidez egin behar dela: pertsona, ondasun eta ondare kolektiboaren aurka arriskuak sortarazi ditzaketen jarduerak, jarduera horien leku eta/edo establezimenduak eta, kasu bakoitzeko derrigorrezkoak diren neurriak eta autobabes planak. Katalogo horrek urtarrilaren 21eko 2/1985 Legeko 5. atalak aipatzen duen katalogoaren edukia barnehartuko du gutxienez,

Modu berean, araudi bidez xedatu ahal izango da berak sortueztako arriskuen eraginpeko eremuaren titularrek edo elkarloturako arriskuen eraginpeko eremuaren titularrek autobabes planak egiteko duten obligazioa, titular bakoitzarentzakoa eta arriskupeko guztientzakoa.

Aurreko lerroaldeetan aipatutako erregelamenduak jasotako zehaztasunez gain, norberaren babes-planek, gutxienez, hurrengo alderdi hauek izango dituzte LKLren 11. atalaren arabera:

- a) leku edo establezimenduari kalte egin diezaioketen arriskuen identifikazioa eta ebaluaketa,
- b) arriskuak gutxitzeko edo ezabatzeko neurriak ezartzen dituen prebentziorako plana,
- c) larrialdietan hartu beharreko neurriak eta egin beharreko jarduerak –alarma, laguntza eta hustuketa, adibidez– biltzen dituen larrialdi-plana eta horren integrazioa babes zibileko planetan.
- d) instalazioetan lan egiten duten pertsonentzako informazioa eta pertsona horien trebakuntza eta behar bezalako hornikuntza. Araudi bidez derrigorrezkoa den kasuetan, laguntza eta sorospenean bereziki trebatutako bitarteko propioak dituzten talde profesionalen antolaketa.
- e) autobabes planeko neurriak eraginkorrak izateaz eta babes zibilean aginpidedun diren agintariekin harremanak edukitzeaz arduratzeko pertsona izendatzea.

VII. ATALBURUA. PLANEN BATERATZE ETA INTEGRAZIOA

1. INTEGRAZIO HORIZONTALA

Udalek edo lurralde historikoek egindako lurralde-planek egin beharrekoak izango diren udal- eta foru-jarduteko planekin (plangintza berezia behar duten arriskuei dagozkienekin) bateragarriak izan beharko dute edukietan. Era bateko zein besteko planak batera gordeko dituzte plan horien ardura duten organoek.

Autonomia Erkidegoak egindako plan bereziak eta arloko ekin-tzen jardunbideak EAeko Babes Zibileko Lurralde Planean integraz-tzen dira.

2. INTEGRAZIO BERTIKALA. PLANEN ARTEKO LOTURA

Babes zibileko planek goragoko mailetakoko planetan sartzeko mekanismoak aurreikusitako behar behar dituzte; horrela, bitarteko eta baliabide osagarrien ekarpena eta/edo zuzendaritza eta koordinazioa beste agintari batzuei automatikoki eta eraginkorki eskualdatzea ahalbidetuko dute goragoko mailetakoko planak abiarazten direnean.

Udal, foru eta Estatuko agintariak edo autobabes planen ardura-dunek larrialdiren bat zuzentzen dutenean, eta Autonomia Erkidego-ko plan bat aktibatzen ez den artean, arriskuen edo hondamendien jarraipen informatiboa egin behar dute Larrialdiak Koordinatzeko Zentroek (SOS-Deiak).

IV. IDAZPURUA

ZUZENDARITZA ETA KOORDINAZIOKO ARAU OROKORRAK

1. ZUZENDARITZAKO ORGANOAK ETA AGINTARIAK

1.1. Zuzendaritzako agintarien eta organoen zenbaketa

Larrialdi jakin bat dela eta Babes Zibilaren zuzendaritzak emandako erantzuna pertsona bakarrarena da, aholku-batzorde baten laguntza izan beharko badu ere.

Alkatea, bere udalerrian, Segurtasuneko sailburua, Autonomia Erkidegoan eta une bakoitzean aplikatu behar diren beste hainbat planen zuzendariak izango dira babes zibilaren zuzendari.

Plan bakoitzak izendatzen duen pertsonari dagokio planak zuzentzea. Orokorrean, eta izan daitezkeen eskuordetzeak salbu, hurrengo hauei dagokie zuzendaritza:

- a) udaleko agintaritzari, udal-planetan,
- b) foru-agintari aginpidedunari, foru-planetan,
- c) Segurtasuneko sailburuari, eskuarki, autonomi planetan,
- d) Estatuko ordezkariari, autonomiaz gaineko garrantzia duten kasuetan.

Planek, larritasun-mailen arabera, zuzendaritza pertsona bat baino gehiagok osatzea erabaki dezakete, salbuespen batzuetan bakarrik.

1.2. Planaren zuzendaritzaren ahalmenak

LKLren 21. atalean aurreikusitakoaren kaltetan izan gabe, larrialdiari aurre egiteko aurrera eraman beharreko ekintza guztiak zuzentzea eta koordinatzea egoera jakin horretan ezarriko den planaren zuzendariaren eginkizuna izango da, aholkularitza-batzorde baten laguntza izango duen arren (LKLren 19.1 atala).

Planaren zuzendariak edo, honek norbait eskuordetuz gero, bere ordezkariak premiazko beharreatatik agindu orokorrak edo zehatzak, derrigorrez bete beharrekoak, ezar ditzakete. (LKLren 19.2.a).

Zuzendariaren esku dago edozein motatako ondareak hondatzea, ondareei kalte egitea, edo aldi baterako bahitzea; biztanleria prebentzioz ebakuatzea edo ateraraztea; herritarrei honelako edo halako zerbitzua emateko edo ez emateko eskatzea. Ohiko jardunbidea alde batera utzita, edozertariko neurri hertsagarriak ezar ditzake, legeak babesten baditu eta premia-egoeraren neurrikoak bada dira beti ere (LKLren 19.3.a).

2. BABES ZIBILEKO PLANAK EZARTZEKO IRIZPIDEAK

Atalburu honetan agertzen direnetariko larrialdi-egoeraren bati antzemanez gero, udalerriko udal-agintariari dagokio egoera horri aurre egiteko beharko diren nahitaezko neurri egokiak hartzeko lehenbiziko ardura (LKLren 18.1.a)

Arrisku-motak edo hedapenak, larrialdiaren garrantziak edo mobilizatu beharreko zerbitzu, baliabide eta bitartekoek administrazio baten aginpidea gainditzen dutenean, larrialdi horren beharretarako lurralde-planik zabalena abiaraziko da. Horrelakoetan, jardunean

dabilen administrazioari laguntzeko baliabide eta bitarteko osagarriak emango zaizkio eta lurralde-plan zabalagoko agintariak hartuko du bere gain zuzendaritzako eta koordinazioko ardura (LKLren 18.2 atala).

Autonomia Erkidegoaren organo aginpideduneei dagokie jarduerak zuzentzea eta koordinatzea, hurrengo kasu guztietan:

- a) EAEko Babes Zibileko Lurralde Plana edo plan berezi bat martxan jartzeko beharra ezartzen denean.
- b) LKLren 21. atalean agertzen den hondamendizko larrialdi egoera deklaritzen denean.
- c) Autonomiaz gaindiko interesa deklaraturata, eta zuzendaritza eta koordinazioa Autonomia Erkidegoko organoetan eskuordetzen denean.

3. BABES ZIBILEKO AGINTARI AUTONOMIAK

3.1. Segurtasuneko sailburua

Segurtasuneko sailburua da autonomia erkidegoko babes zibila-ren arloko politikaren ardura duen organoa, eta hori hala izanik, Eusko Jaurlaritzak emandako jarraibideen arabera, berak zuzenduko ditu ekintzak, politika hori zuzentzeko eta koordinatzeko organo nagusia baita.

Segurtasuneko sailburuaren eginkizuna izango da EAEko Babes Zibileko Plana eta plan bereziak berak bakarrik zuzendu eta koordinatzea, LKLren 21. atalean erabakitakoa kontuan hartu beharko bada ere.

Zuzendaritza hori praktikan jartzeko, autonomia erkidegoko babes zibileko planak abian jarri beharko ditu, sailburuak berak alerta edo larrialdi-egoerak deklaraturata, bere edo beste administrazio publiko baten ekimenez. Eusko Jaurlaritzak larrialdiei aurre egiteko dituen zerbitzuek arrisku eta hondamendien ohiko jarraipena uneoro egin ahal izango dute, hala ere.

LKLren 18. atalean ezarritakoaren arabera, EAeko Babes Zibileko Lurralde Plana martxan jarri ahal izango da udal- eta foru-bitartekoak eta baliabideak mugatuak diren egoeretan, edo gertaeraren benetako edo aurreikusitako garrantziagatik zuzendaritza bakarra hobe denean eta arriskuaren izaerak zein hedadurak horrela eskatzen duenean.

Segurtasuneko sailburuaren zuzendaritza edozein lurralde-agintari publikoen zuzendaritza-jardunaren gainera dago, baita Euskal Autonomia Erkidegoko beste plan-zuzendari edo koordinatzaileen jardunarenetik ere. Ahalmen horrek bestelako agintarien eta plan-zuzendarien aginpideen jardunaren koordinazioa dakar ondorioz.

Aurreko lerroaldean erabakitakoaren kalterik gabe, oso premia handiko eta ez-ohizko kasuetan Segurtasuneko sailburuordeak edo larrialdien arretaren zuzendariak alerta- edo larrialdi-egoera deklaratu ahal izango du eta Erkidegoko babes zibileko planak abiarazi. Horren guztiaren berri ahalik eta azkarren emango diote Segurtasuneko sailburuari.

3.2. Lehendakaria

EAeko Babes Zibileko Lurralde Planak lehendakariak babes zibilaren goi-zuzendaritza eta koordinazioko eginkizunak bere gain hartzeko erantzun-gaitasun nahikoa bermatzen du, datozen kasu hauetan:

- a) arrisku-egoera edo izandako kalteak asko hedatu direla edo oso larriak direla ikusita, lehendakariak larrialdiaren zuzendaritza bereganatzen duenean,
- b) Estatuko agintariak Estatuko babes zibilaren legeak aurreikusten duen nazio intereseko deklarazioa edo 4/1981 lege organikoak aurreikusten duen alarma egoeraren deklarazioa egin ondoren, Estatuko gobernuak bere eginkizunak lehendakariengan eskuordetu dituenean, erabat edo alde batean.

Larrialdiari aurre egiteko beharrezkoak diren jarduera guztiak bere gain hartuko ditu Lehendakariak, LKLren 21. atalean agertzen den hondamendizko larrialdiaren egoera deklaratzeko denean. Horren arabera EAEko Babes Zibileko Lurralde Planak duen antolamendu-egitura Lehendakariaren agindupe zuzenera aldatuko da, aipatutako legeak ezartzen dituen ondorio guztiekin.

4. ESTATUAREKIKO KOORDINAZIOA

4.1. ESTATUKO ZUZENDARITZA

Autonomiaz gaindiko interesa deklaratzeko aginpideduna da barne ministroa, Estatuko oinarrizko legeek aurreikusten dituzten kasuetan. Deklarazio hori gertatzen denetik aurrera, edo Espainiako Konstituzioko 116. atalean aurreikusten diren ezohizko egoeraren bat deklaratzeko denean, Estatuaren ardura izango da babes zibila- ren zuzendaritza Euskadin.

Lehendakariak, beharrezkoa uste duenean, premiazu ahal du Estatuak zuzendaritza bere gain har dezan, baita zuzendaritza horren eskuordetzea ere.

4.2. Koordinatzeko arauak

4.2.1. Plangintzarako lankidetz

Estatuko Administrazioak, bere aginpide-eremuan, Euskal Autonomia Erkidegoan babes zibilerako egiten dituen jardunbideak eta metodoak, Eusko Jaurlaritzaren Seguratasuneko Sailari eta EAEko Babes Zibileko Batzordeari jakinarazi beharko zaizkie. Modu berean, Seguratasun Sailak jakinarazi egingo du Estatuko titulartasuneko diren bitartekoak udal-, foru- eta autonomi-eremuko planetarako eskatzen eta izendatzen direnean, 1994eko maiatzaren 6an Ministro Kontseiluak hartutako erabakiaren arabera, 1994eko uztailaren 4an erabaki bidez argitaratuarenera.

4.2.2. *Estatuko eta autonomia erkidegoko zuzendaritza- eta koordina- zio-organoen arteko informazio-trukea*

Estatuko eta euskal administrazioen Larrialdiak Zentroek babes zibilean bakoitzak duen eskudantzia eragina izan dezaketen gertaerei buruzko berri emango diote elkarri.

Horretarako, Autonomia Erkidegoak Estatuko babes zibileko agintariei informazioa emango diote hurrengo hauei buruz:

- a) autonomi planak dagozkion mailetan abiarazteari buruz; baita beren bukaerei buruz ere,
- b) arriskuei eta hondamendiei buruzko datu kuantitatibo eta kualitatiboez eta horien bilakaeraz,
- c) Estatuko titulartasuneko bitartekoek esku-hartzea beharrezkoa izan daitekeen arrisku edo hondamendiez.

Modu berean, Estatuko administrazioak Autonomia Erkidegoko babes zibileko agintariei informazioa emango die hurrengo hauei buruz:

- a) ohartarazten dioten arriskuari buruzko edozein informazio-motaz eta Euskal Autonomia Erkidegoko lurraldean eragina izan dezaketen arriskuen eta hondamendien datu koantitatiboez eta koalitiboez.
- b) Estatuko oinarritzko planak abiarazteari buruz, ondoko autonomia erkidegoen edo mugakide diren udalen, bai Estatu-koen, bai atzerrikoen planei buruz.

Beharrezkoa den egoeretan, bi Ekintzen Bateraguneen arteko komunikabide iraunkorra mantendu beharko da, arriskuarena edo hondamendiarena erabat konpondu arte.

4.2.3. *EAEko Babes Zibileko Planaren zuzendariaren aholku-bat- zordean Estatuak duen ordezkartza*

Estatuko administrazioak ordezkartza izango du EAEko Babes Zibileko Planaren zuzendariaren aholku-batzordean, informazioaren

elkar-trukea eta, behar izanez gero, zuzendariarduren eskualdaketa ahalbideratzeko.

Larrialdiaren garrantzi-mailaren arabera beharrezkoa izanez gero, larrialdiaren zuzendaritza eta koordinazioa planaren arduradunak eta Estatuko ordezkari batek osaturiko zuzendaritza-batzorde baten barruan garatuko dira. Batzorde hori eratuko da eta Ekintzen Koordinazio Baturaturako Zentroa (EKBZ) bezala eratuko da Ekin-tzak Koordinatzeko Zentroa (akronimoa EKZ da). Zuzendaritza Batzordeko ordezkari autonomikoari egokituko zaio larrialdiaren zuzendaritza, nazio-intereseko deklaratzeko ez den bitartean.

Segurtasuneko sailburuak Estatuko zuzendaritzaren pean antolatutako larrialdietarako batzordeetako Eusko Jaurlaritzaren ordezkaria izendatuko du. Horiek arduratuko dira autonomiako bitarteko eta baliabideak koordinatzeaz.

V. IDAZPURUA

EUSKAL AUTONOMIA ERKIDEGOKO BABES ZIBILAREN ANTOLAKETA OROKORRA

ATARIKO ATALBURUA

1. DEFINIZIOA

EAEko Babes Zibileko Lurralde Plana, Autonomia Erkidegoaren lurralde-eremuan gertatzen den arrisku larri, hondamendi edo hondamen publikoko edozein egoerari erantzuna emateko antolaketatresna orokorra izango da, babes zibila zuzentzea eta koordinatzea Euskal Autonomia Erkidegoari dagokion kasuetarako. Arau eta jardunbideen multzo bezala dago egituraturik, larrialdiak kalte egingandako pertsonak, beren ondasunak eta denon ondarea ahalik eta hoberen babesteko.

EAEko Babes Zibileko Lurralde Planaren antolaketak, bestalde, larrialdiari erantzuteko behar besteko malgutasuna izango dela bermatzen du, eta Lehendakariak babes zibileko goi-zuzendaritzako eta koordinazioko eginkizunak eskuratu ahal izango dituela, Estatuko Gobernuak bere ahalmen guztiak edo batzuk eskuordetzen dituenean, Babes Zibilari buruzko 2/1985 Legeko 15. atalean eta Babes Zibilari buruzko Onarritzko Arauan ezarritakoaren arabera.

Plan honen xedea da Lehendakariari zenbait ahalmen eskuratzeko aukera emango dion tresna izatea. Ahalmen horiek, 4/1981 Lege Organikoan aurreikusten direnak dira, Autonomia Erkidegoko lurralde osoan edo zati batean larrialdi egoera aldarrikatzen denerako, baldin aurretik Estatuko Gobernuak bere eginkizunak eskuordetzen badizkio.

2. BESTELAKO PLANGINTZA-TRESNEZ BALIATZEA

Onartu eta homologatzen diren plan bereziak Lurralde Planaren barnean jasoko dira. Plan berezi horien zuzendaritzako eta ekintzako egiturek, bestalde, bateragarri izan beharko dute lurralde-plan honetan ezartzen diren egiturekin.

Lurralde-plana arian-arian aplikatu eta zehaztuko da, arrisku edo jarduketa bereziko kasuetan jarduteko arloz arlo onartzen diren prozedura zehatzen bitartez.

I. ATALBURUA. EAE-KO BABES ZIBILEKO LURRALDE PLANAREN ZUZENDARITZA-EGITURA

1. ZUZENDARIA

EAEko Babes Zibileko Lurralde Planaren zuzendaria Segurtasuneko sailburua da, eta ondoko eginkizunak dagozkio, plan honetako aurreikuspenez bat:

- a) Aholku-batzordeko kideak, ekintza-taldeetako arduradunak eta aginte-postu aurreratuetako arduradunak izendatzea,
- b) Aholku-batzordea eta informazio-kabinetea biltzeko deia egitea,
- c) EAEko Babes Zibileko Lurralde Plana abiaraztea eta haren aplikazio formala erabakitzea,
- d) Plan honetan ezartzen diren larrialdi-egoerak aldarrikatzea, hondamendizko larrialdia aldarrikatu behar denean izan ezik, hori Lehendakariaren eginkizuna izango baita.

- e) egoera bakoitzean antolaketa-egiturako zein zati abiarazi behar den erabakitzea,
- f) pertsoneri eta ondasunei kalteak sor diezazkieketen gertakariak zein agintariei jakinarazi behar zaizkien zehaztea,
- g) Aholku-batzordearen laguntzaz, une bakoitzean larrialdiei aurre egiteko egokienak diren jarduketak agintzea eta biztanleak, ingurugiroa nahiz ondasunak eta larrialdian parte hartzen duten pertsonak babesteko neurriak aplikatzea,
- h) larrialdiarekin zerikusia duten pertsona publiko zein pribatuen jarduera guztiak koordinatzea,
- i) sailburuak berak edo, eskuordetuz, haren agenteek, agindu orokor edo zehatzak ematea; eta behar izanez gero, neurri hertsakorrek ere bai, egoeraren heineko neurriak beti ere.
- j) bai EAEko Babes Zibileko Lurralde Planak propio aurreikusituen dituen komunikabideen bitartez, bai gizarte-komunikabideen bitartez larrialdiak dirauen bitartean biztanleari eman beharreko informazioa zehaztea eta koordinatzea,
- k) Erkidegoz gaindiko planekiko lotuta eta informazioa bermatzea,
- l) beharrezkoa denean ekintzen bateragune elkartua eratzea,
- m) EAEko Babes Zibileko Lurralde Planaren ezarpena, eragin-kortasuna eta eguneratzea ziurtatzea,
- n) larrialdiaren amaiera era normaltasunerako itzulera erabakitzea. Horrek EAEko Babes Zibileko Lurralde Plana geldiaraztea dakar, eta larrialdian erabilitako bitarteko eta baliabideak desmobilizatzea, helburuak lortu eta gero.

2. AHOLKU-BATZORDEA

Aholku-batzordearen eginkizuna zuzendariari aholku ematea da eta batzorde horretako kideak ondoko hauek izango dira:

- a) Herrizaingoko sailburuordea,
- b) Segurtasuneko sailburuordea,

- c) Osakidetzako zuzendari nagusia,
- d) Herritarren Segurtasunerako zuzendaria,
- e) Larrialdiei Aurre Egiteko eta Meteorologiako Zuzendaria,
- f) Estatuko administrazioaren ordezkari bat,
- g) kalte izandako lurralde historikoetako ahaldun nagusiak,
- h) larrialdiaren ondorioz kalte izandako udalerrietako alkateak, bertan parte-hartzea egokitzen jotzen dutenean.
- i) Segurtasuneko sailburuak deitzen dituen gainontzekoak, hala nola EAEko Babes Zibileko Batzordeko kideak, ekin-tza-taldeetako buruak edo beste batzuk, haiek bertan egotea beharrezkotzat jotzen denean.

3. INFORMAZIO-KABINETEA

Informazio-kabinetea zuzenean planaren zuzendaritzaren menpean dago eta Ekintzak Koordinatzeko Zentroan edo Ekintzen Koordinazio Bateraturako Zentroa egongo da kokaturik. Kabinete horrek bakarrik izango du informazio ofiziala emateko baimena, eta bere eginkizunak honakoak izango dira:

- a) arrisku edo hondamendiari eta bere bilakaerari buruzko informazioa jasotzea
- b) plana abiarazteko, alertako, larrialdiko eta horien amaierako aldarrikapenak barreiatzea,
- c) zuzendariak emandako aginduak, manuak eta gomendioak komunikabideen bitartez hedatzea,
- d) larrialdiari buruzko informazio orokorra zentralizatzea, koordinatzea eta prestatzea, eta gizarteko komunikabideen esku jartzea,
- e) informazioa bilatutzeko jarraibideak ematea eta okerra den informazioa zuzentzea,
- f) kalteak eurek izan dituzten herritarren senideei informazioa ematea.

Informazio-bulegoaren erantzukizuna Segurtasun Saileko Sail-buruaren Kabineteko zuzendariak du bere gain.

4. EKINTZAK KOORDINATZEKO ZENTROAK (EKZ) / EKINTZEN KOORDINAZIO BATERA TURAKO ZENTROA (EKBZ)

4.1. Definizioa eta eginkizunak

Ekintzak Koordinatzeko Zentroa (EKZ)

Ekintzak koordinatzeko zentroan (EKZ) Euskadiko Babes Zibileko Planari dagozkion ekintza guztiak zuzendu eta koordinatzen dira. Planaren zuzendariaren aginte-postua da, eta hori dela eta, beharrezko gaitasuna eta tresneria izan behar ditu, ondorengoetarako: informazioa komunikatu, koordinatu eta zentralizatzeko, hain zuzen ere larrialdiaren egoera zein den jakiteko, eta hartu beharreko neurriei buruzko erabakien berri emateko. Era berean, planaren zuzendaria zuzendaritza- edo kontrol-lanetan diharduten beste zentro batzuekin zuzeneko harremanetan mantendu beharko dute.

Modu berean, Ekintzak Koordinatzeko Zentroaren azpiegiturak egokia izan beharko du beste eginkizun hauetarako:

- a) informazioko zentro iraunkorra izatea; horretarako, ekintzen bateraguneek beren esku eduki behar dituzte kutsadurari, eguraldiari, ibaietako emariei eta bestelakoei buruzko datuak jasotzeko terminalak, arrisku-egoeraren etengabeko balorazioa egin ahal izateko eta, beharrezkoa izanez gero, alertako mekanismoak abiarazteko,
- b) alarmak eta alertak jaso eta igortzeko zentroa izatea, eta beharrezkoak diren informazioko eta datu-baseko sistema guztiak kudeatzen dituzten zentroak izatea,
- c) zuzendariari laguntzea erabakiak hartzerakoan eta aginduak jakinarazi nahiz gauzatzeko bidean. Horretarako, larrialdiari buruz jasotako informazioa prozesatu egiten dute.

4.2. Ekintzen Bateragune Elkartua

Behar izanez gero ekintzen bateragune elkartu gisa era daiteke, bertara Erkidegoko eta Estatuko administrazioko buruak biltzen direnean, bai larrialdiak zuzendu eta koordinatzeko, bai ardura eskualdatzeko, larrialdia erkidegoz gaindiko interesa aldarrikatzen den kasuetan.

4.3. Kokalekua

Segurtasun Saileko Larrialdiak Koordinatzeko Zentroetan (SOS-Deiak) egongo dira kokaturik ekintzak koordinatzeko zentroak, eta haien azpiegitura erabiliko da dagokion lurraldean gertatzen diren larrialdiak koordinatzeko.

Larrialdia zein den kontuan izanik, zuzendariaren iritzian larrialdiak kudeatzeko egokiena den bateragunean bilduko da, ahal izanez gero, planaren zuzendaria eta zuzendaritzako egitura. Talde hori ekintzak koordinatzeko zentroan bertan eratzen ez bada, informazio sistemak beste zuzendaritza-zentroekiko lotune eta luzapenak izan beharko ditu, plan-zuzendariak zentro horietatik jarduketak zuzendu eta koordinatu ahal izan ditzan.

II. ATALBURUA. EKINTZA-EGITURA

1. AGINTE POSTU AURRERATUA (APA)

1.1. Definizioa

Larrialdiaren izaera eta larritasuna nolakoa den ikusita, EAEko Babes Zibileko Lurralde Planeko zuzendariak aginte-postu aurreratu (APA) bat edo gehiago ezarri eta izendatu ahal izango du, horiek baitira EAEko Larrialdietarako Batzordeak larrialdiaren tokian dituen laneko organoak. Postu horiek ekintza-taldeetako eta helburuak lor-

tzeko ezinbestekoak diren beste erakundeetako buru edo arduradunek osatzen dituzte.

1.2. Helburuak

Aginte-postu aurreratuek helburutzat dute larrialdiaren tokian esku hartzen duten bitartekoen eta baliabideen jarduketak zuzentzea eta koordinatzea, plan-zuzendariak emandako jarraibideen arabera. Horretarako arrisku edo hondamendiaren bilakaerari buruzko informazio zehatza eman beharko diote zuzendariari.

1.3. Zuzendaritza

APAREN zuzendaritza EAEko Babes Zibileko Lurralde Planeko zuzendaritzak zehazten duen hari egokituko zaio, edota plan bereziek dioten hari.

2. EKINTZA-TALDEAK

2.1. Definizioa

Larrialdiaren hasieratik bertatik esku hartzen duten zerbitzu eta pertsonen multzoei esaten zaie ekintza-taldeak. Ekintza-zerbitzu arruntan arduradunak dira eta EAEko Babes Zibileko Lurralde Planean aurreikusten diren babes-jarduketak, esku-hartzea, sorospena eta konpocketak egitea da beren lana.

Ekintza-taldeak antolatzeko oinarria ekintzako zerbitzu arruntak dira, larrialdi mota guztietan daudenak. Horien artean, besteak beste, ondokook ditugu: Eusko Jaurlaritzako Larrialdiei Aurre Egiteko eta Meteorologiako Zuzendaritzako zerbitzuak; su-itxaltze eta salbamendu-zerbitzuak; larrialdietako osasun-zerbitzuak; Euskadiko polizia-gorputzak eta Estatuko segurtasun-indarrak eta gorputzak, laguntza emateko erakundeak, boluntario-taldeak eta abar.

Zuzenean arriskuaren edo hondamendiaren tokian esku hartzen duten herritarrek nahiz edozein administrazioko langileek, EAeko Babes Zibileko Lurralde Planean edo plan berezietan aurreikusten direnen arteko ekintza-talde mota jakin baten barnean jardun beharko dute.

2.2. Egitura

Jarduteko egitura sinplea diseinatzeko asmoz, plan berezi desberdinetako egituren oinarri izango dena, bost ekintza-talde aurreikusi dira:

- esku-hartzeko taldea,
- osasun-taldea,
- segurtasun-taldea,
- logistikako taldea,
- laguntza teknikoko taldea.

Plan bereziek, edota Segurtasuneko sailburuak, EAeko Babes Zibileko Lurralde Planeko zuzendaria denez gero, adituen taldeak sortzea erabaki dezakete, arrisku bakoitzaren ezaugarriei erreparatuz.

2.3. Antolaketa

Ekintza-taldeak antolatzeke behar diren protokolo, hitzarmen eta akordioak egingo dira parte hartzen duten erakundeekin, bai bakoitzaren zereginak zehazteko, baita erakunde horiei behar dituzten giza-baliabideak eta baliabide materialak esleitzeko ere.

EAeko Babes Zibileko Lurralde Planean aurreikusten diren ekintza-taldeak, EAeko Babes Zibileko Lurralde Planean integratzen diren udalen edo aldundien planetako baliokide diren taldeek osatzen dituzte.

Ekintza-talde bakoitzeko kideek, bateraturiko burutzaren egituren barnean, beren berariazko buruen menpean jardungo dute, eta

maila autonomikoak larrialdiaren zuzendaritza bere gain hartu bezain pronto ekintza-talde bakoitzeko arduradun edo buruak izango dira koordinatzaile. Arduradun edo buru horiek Eusko Jaurlaritzako zerbitzu publiko hauetako teknikarien artean hautatuko dira:

- esku-hartzeko taldea: Larrialdiei Aurre Egiteko eta Meteorologiako Zuzendaritza,
- osasun-taldea: Osakidetza,
- logistikako taldea: Larrialdiei Aurre Egiteko eta Meteorologiako Zuzendaritza,
- segurtasun-taldea: Ertzaintza,
- laguntza teknikoko taldea: Larrialdiei Aurre Egiteko eta Meteorologiako Zuzendaritza.

2.4. Eginkizunak eta osaketa

Aparte utzita arloko ekintzen jardunbideen zehaztapenak eta plan bereziek aurreikusten dituzten egokitzapenak, ekintza-taldeen eginkizunak eta osaketa hurrengo hauek dira:

Esku-hartzeko taldea

Talde honen egitekoa da larrialdiaren ondorioak ezabatzeko, gutxitzeko edo kontrolatzeko egiten diren esku-hartzeko neurriak betetzea, larrialdi hori sortarazten duten kausen aurka zuzenean borrokatuz eta baita larrialdiaren garapena edo hedapena errazten duten egitateetan eraginez ere.

Honako eginkizunak ditu:

- a) ezbeharraren ondorioak nahiz arriskuaren kausa kontrolatzea, murriztea edo neutralizatzea,
- b) pertsonak eta ondasunak bilatu, erreskatatu eta salbatzea,

- c) biztanleria babesteko neurriak hartzeko beste taldeekin elkarlanean aritzea,
- d) elkarturiko arriskuak aztertzea eta neurtzea,
- e) esku-hartzeko eremua zehaztea,
- f) larrialdia kontrolatu eta gero ezkutuko arriskuak zaintzea,
- g) EAEko Babes Zibileko Lurralde Planeko zuzendaritzari egin beharreko eragiketen arriskuaz, kalteez eta bideragarritasunaz informazioa ematea.

Esku-hartzeko taldearen osakeraren oinarria, ekintza-talde honek egiten dituen esku-hartzeko lanekin (arrisku-iturriei aurre egiteko esku-hartzea eta sorospena) zuzeneko zerikusia duten lanak egiten dituzten zerbitzu iraunkorrek daukaten osakera bera izango da.

Osasun taldea

Talde honen zeregina da biztanleria babesteko neurriak betetzea, arrisku edo hondamendi batek kalte egindakoei osasun-laguntza emanez eta horiek eginkor mantenduz, harik eta ospitale batera iristen diren arte; halaber, osasun publikoko babes-neurriak eta aurreneurriak betetzea dagokio.

Bere eginkizunak honako hauek dira:

- a) esku-hartzeko eremuan zauritzen direnei premiazko osasun-laguntza ematea,
- b) zaurituak sailkatu, egonkortu eta ebakuatzea, baldin horren beharrea badaude,
- c) zaurituak eritetxeetara eramateko garraioa koordinatzea eta zaurituak jasotzeko eritetxeek duten azpiegitura antolatzea,
- d) hildakoak identifikatzea, aginpidea duten agintari judizial eta polizialekin batera jardunez, eta bestelako biktima zein kalte-tuak ere identifikatzea,
- e) larrialdiaren eraginez dauden osasun-baldintzak zein diren neurtzea eta kontrolatzea (epidemien agerraldiak kontrola-

tzea, jende askoren txertaketa,...), eta agintariek erabakitzen dituzten osasun-aurreneurriak betetzea,

- f) kaltetutako biztanleria botikez hornitzea,
- g) sorospen-eremuak eta oinarri-eremuak zehaztea logistikako taldearekin elkarlanean,
- h) osasun publikoari kalte egin diezaioketen ezkutuko arriskuak zaintzea behin larrialdia kontrolatu eta gero.
- i) Planaren zuzendaritzari egoera errealari buruzko informazioa ematea.

Osasun taldea ondoko hauek osatzen dute:

- a) eragiketa-eremuan jardungo dutela ziurtatzen duten osasun-laguntzako zerbitzuek, Osakidetzatik datozenak ez ezik adosturiko beste erakunde batzuetatik datozenek ere bai,
- b) istripua izan duten pertsonak eramateko osasun-zerbitzuak, Osakidetzatik, Gurutze Gorriatik, DYAtik nahiz enpresa pribatuetatik etorriak, baldin eta biktima askoren garraioa ziurtatzen badute,
- c) mediku-laguntza ziurtatzeko beharrezkoak diren osasun-etxeetako zerbitzuak, kontuan edukiz posible dela istripu askori aurre egin behar izatea,
- d) Eusko Jaurlaritzako Osasun Saileko herri osasuneko zerbitzuak,
- e) beste batzuk.

Segurtasun-taldea

Talde hau herritarren segurtasuna bermatzeaz arduratzen da, arrisku edo hondamendiko eremuetan, eta baita trafikoa zuzentzeaz eta biktimen identifikazioan laguntzeaz ere.

Honako eginkizun hauek ditu:

- a) herritarren segurtasuna bermatzea,

- b) larrialdiko eremuetarako sarrera kontrolatu eta murriztea, eta esku-hartzeko eremua ixtea,
- c) trafikoa zuzentzea, larrialdiko jarduketa eta eragiketak erraztearren,
- d) arriskuan dauden pertsonen berehalako ebakuazioa ahalbidetzea,
- e) ondasunak babestea, gizakontrako ekintza posibleetan,
- f) esku-hartzeko taldeari laguntzea biktimen erreskate eta salbamenduan,
- g) biztanleriarentzako abisuak iragartzen laguntzea,
- h) plan-zuzendaritzari txostenak ematea,
- i) bere gain dituen gainontzeko zereginak.

Segurtasun-taldea Ertzaintzatik datozen baliabideekin eratuko da, eta udaltzaingoetatik eta Estatuko segurtasuneko indar eta gorputzetatik EAEko Babes Zibileko Lurralde Planari esleitzen zaizkion baliabideekin.

Logistikako taldea

Talde honen zeregina da ekintza-taldeen jarduerarako beharrezkoak diren ekipamendu eta hornigaiak biltzea, eta gertakariaren bilakaeraren ondorioz sortzen diren gainontzeko horniketa-beharrak asetzea.

Bere eginkizunak honako hauek dira:

- a) eragiketetan laguntzea eta isolaturiko biztanleriari laguntza ematea, unitate ibiltarien bitartez dauden transmisio-sistemak osatuz,
- b) karburanteen, garraiobideen eta behar-beharrezko gaien hornikuntza kudeatzea, bai ekintza-taldeentzako, bai kalte-turiko biztanleentzako,

- c) eragiketa-eremuetan beharrezkoak diren banaketa-guneak ezartzea,
- d) larrialdiko aterpetxea, haren hornikuntza eta biztanleriaren garraioa antolatzea, eta ebakuazioa beharrezkoa izanez gero bilguneak kudeatzea,
- e) esku-hartzeko talde bati talde horrek berak edota laguntza teknikoko taldeak zehazten dituen lantalde bereziak eranstean zaizkionean, eransketa horren kudeaketa egitea,
- f) esku-hartzeen beharrianak zein diren neurtzen laguntzea eta biztanleriari sorosteko behar diren ekipamendu eta hornidurak ere zehazten laguntzea.

Talde hau osatzen duten ekipoak SOS-Deiak larrialdiak koordinatzeko zentroetan integraturik daudenak dira, baina beste ekipo batzuk ere erantsiko zaizkio, bai Eusko Jaurlaritzako beste sailetatik datozenak, bai beste erakundeetatik datozenak ere, garraioan, obra publikoetan, gizarte ongizatean eta antzerakoetan dabilzan erakundeetatik datozen ekipoak eta aldundien planetatik eta udalen planetatik EAEko Babes Zibileko Lurralde Planean integratzen diren ekipo edo talde baliokideak.

Laguntza teknikoko taldea

Talde hau tresna gisako organo bat da eta, plan-zuzendaritzaren esanetara dago. Talde honen eginkizuna aholkularitza teknikoa ematea da, zenbait arrisku motei aurre egiteko, haien kausak kontrolatzeko edo ondorioak murrizteko ezarri behar diren neurri zuzentzaile eta konpontzaileei buruz; halaber, kalteturik dauden funtsezko zerbitzuak birgaitzeko aholkularitza ematea.

Horretarako, hauek dira bere eginkizunak:

- a) neurri zuzentzaileak proposatzea (injinerutza zibilekoak edo bestelakoak) zenbait arrisku-motari aurre egiteko, haien ondorioak kontrolatzeko edo murrizteko, eta baita ere kalteturiko funtsezko zerbitzuak birgaitzeko,

- b) neurri horiek aplikatzeko zein lantalde-berezi eta ekipamendu behar diren neurtzea,
- c) larrialdiaren eta bere eraginen jarraipen teknikoa egitea,
- d) Plan-zuzendaritzari lortutako emaitzen berri ematea eta larrialdiaren bilakaeran arlo horretan aurkezten diren premiez informatzea.

Laguntza teknikoko taldean honako hauek izango dira: Larrialdiei Aurre Egiteko eta Meteorologiako Zuzendaritzako langileak; Herrilan Saileko eta arriskuko egoerak kontrolatzeko injinerutza zibilean espezializaturik dauden enpresetako teknikariak; Ingurugiroko eta Herri Osasuneko teknikariak, ingurugiroarekiko eta pertsonetikiko kaltea neurtzeko; eta beharrezko jotzen diren enpresa publiko zein pribatuetako (gas-konpainiak, elektrikoak, ur-hornikuntzako enpresak,...) teknikariak.

III. ATALBURUA. OPERATIBITATEA

1. KONTZEPTUEN ETA LARRIALDI-FASEEN DEFINIZIOA

1.1. Kontzeptua

Euskadiko Babes Zibileko Lurralde Plana operatiboa izan dadin, ezinbestekoa da aldez aurretik estrategia- eta neurri-multzo bat planifikatuta izatea, larrialdiaren eremua eta larritasun-maila aintzat hartuta, plana martxan jarri ahal izateko. Beraz, horrek berekin dakar planaren edukia malgua izatea, hura aplikatuko den lekuari, uneari eta larrialdi-motari dagokienez. Horretarako, hainbat mailatako ekintzak edo esku-hartzeak aurreikusitako behar dira, egoeren eta larrialdiaren faseen arabera.

1.2. Alerta-fasea

Alerta-fasean, larrialdiren bat gerta daitekeela aurreikusten da. Larrialdi hori oraindik gertatu ez bada ere, zirkunstantziak zer-nola-

koak diren ikusita eta egoerak okerrera eginez gero, gertatu egin daiteke. Kasu gehienetan, larrialdi-aurreikuspen horiek iragarpen meteorologikoetan daude oinarrituta, eta fenomeno naturalekin ego-ten dira lotuta. Dena den, beste eremu batzuetan ere gerta daitezke, nola teknologikoetan hala antropikoetan.

1.3. Larrialdi-faseak

Larrialdi-fasean, dagoeneko gertatu dira kalteak edo aparteko go-rabeherak, eta, ondorioz, beharrezkoa da Larrialdiei Aurre Egiteko Euskal Sistemari integratutako zerbitzuen esku-hartzea. Esku-hartze hori ez da egoeraren jarraipena egitea bakarrik; izan ere, zuzeneko esku-hartzeak behar izaten dira, kalteak areagotu ez daitezen.

Fase honetan barne hartuta daude, halaber, aurreikuspenen larritasuna dela-eta aparteko neurriak hartzea eskatzen duten kasuak; adibidez, zerbitzu publikoak etetea, baliabideak konfiskatzea, esku-bideak kentzea... Hori guztia egin daiteke, larrialdi-egoera oraindik gertatu ez bada ere.

Fase hau egoera hauetan dago banatuta:

1.3.1. *0 egoera*

Udal-eremuko larrialdiak dira, eta toki- edo foru-mailako erantzun-ekin kontrolatzen dira.

Horrelakoetan, Euskadiko Babes Zibileko Lurralde Planaren eginkizuna jarraipen- eta ebaluazio-lanak egitea da, eta, behar izanez gero, kasuan kasuko laguntzak bermatzea udal- eta foru-plane-tako zuzendaritzari.

Jarraipen- eta laguntza-egoera hau interfase bat da, eta aipatu-tako toki- eta foru-planak Euskadiko Babes Zibileko Lurralde Pla-nean integratzeko aukera ematen du, baldin eta egoerak, okerrera egin duelako, hala eskatzen badu.

Egoera honetan barne hartuta daude larrialdiak gertatu osteko uneak ere; hau da, egoera oraindik ez denean behar bezain egonkorra larrialdia amaitutzat jotzeko eta, hortaz, errekupeazio-fasera igarotzeko.

1.3.2. 1. egoera

1. egoeran, larrialdiek eragin mugatua dute lurraldean, eta bertako biztanleria, ondasunak edo ingurumena erdi-mailako arriskuan jarzen dituzte. Horrelakoetan, gerta liteke Euskal Autonomia Erkidego-ko erakunde komunek erantzun koordinatua eman behar izatea, dela larrialdiak udalerri bati baino gehiagori eragiten dielako, dela Euskadi-ko Babes Zibileko Lurralde Planaren bitarteko eta baliabide propioak edo hari esleitutakoak aktibatuzeko premia dagoelako.

1.3.3. 2. egoera

2. egoeran, larrialdiek -beren ezaugarriak, larritasuna edo arriskuaren hedadura direla-eta- udal- edo foru-erakundeen erantzuteko ahalmena gainditu egiten dute. Oso egoera larriak dira, eta lekuko biztanlerian, ondasunetan edo ingurumenean eragin handia dute (edo izan dezakete, baldin eta oraindik ezin bada ziur jakin bilakaera zer-nolakoa izango den).

1.3.4. 3. egoera

3. egoerako kasuetan, autonomia erkidegoaz gaindiko interesa egoten da, Babes Zibileko Oinarrizko Arauan aurreikusitakoaren arabera.

1.4. Errekuperazio-fasea

Errekuperazio-fasean, dagoeneko larrialdia amaitutzat jo da, eta ez dago hura berriz pizteko aukera handiegirik.

Fase honetan ematen zaizkie biktimei arreta, ostatua, laguntza psikologikoa, osasun-arreta eta halakoak. Larrialdia piztu bezain laster hasi behar da lan horiek guztiak egiten, baina, fase honetan, larrialdia-
ren fokua kontrolatu eta arriskua desagertu ostean heltzen zaie.

2. EUSKADIKO BABES ZIBILEKO LURRALDE-PLANA AKTIBATZEA

2.1. Kontzeptua

Agintari eskudunak Euskadiko Babes Zibileko Lurralde Plana abiaraztea da.

Plana aktibatuko da, baldin eta, egoeraren larritasuna dela-eta, plan horretan jasotako erantzun-egitura osorik edo partzialki mar-txan jarri behar bada.

Euskadiko Babes Zibileko Lurralde Planaren aktibazioa, bai eta alerta-fasea ere, biztanleriari jakinarazi beharko zaio, planean ber-tan ezarritako bitartekoen bidez.

Plan honen operatibitateak eskatzen duen malgutasuna de-la-eta, funtsezkoa da planaren hainbat aplikazio-modu ezartzea, ho-nako hauen arabera:

- a) Aurreikusitako larrialdi-egoera bakoitza.
- b) Gertakariaren bilakaera, dela larrialdia bat-batean piztu bada dela arriskuaren bilakaera motelaren ondorio bada.
- c) Lurraldean duen eragina, horren arabera aktibatuko baita plana eremu jakin baterako bakarrik edota lurralde osorako.

2.2. Aplikazio-moduak, larrialdi-fasearen edo -egoeraren arabera

2.2.1. *Alerta-fasea*

Fase honetan, taktika eta protokolo espezifikoak aktibatuta egongo dira, egoera larri bat gertatzeko aukera dagoela pentsaraz-

ten duten adierazleen jarraipena egiteko. Kasu batzuetan, egoeraren ezaugarrien arabera, zenbait bitarteko eta baliabide operatibo mobilizatu beharko dira.

Oro har, Euskadiko Babes Zibileko Lurralde Planaren alerta-faseak zera dakar berekin:

- a) Egoeraren etengabeko jarraipena egiten da.
- b) Garrantzitsua izan daitekeen informazioa jakinarazten da, bai zerbitzu jarduleei bai biztanleriari.
- c) Fase honetan, langileak hurbiltzeko edo lekualdatzeko mugimenduak egin daitezke.
- d) Larrialdi-fasean beharrezkoak izan daitezkeen prozedurak, bitartekoak eta baliabideak egiaztatzen dira, batik bat ohiz kanpoko egoerak badira.

2.2.2. *Larrialdi-faseak*

2.2.2.1. 0 egoera

Egoera honetan, dagokion toki- edo foru-agintariak egingo ditu aplikatutako larrialdi-planaren zuzendaritza-lanak. Euskadiko Babes Zibileko Lurralde Planak jarraipen- eta ebaluazio-lanak egingo ditu, eta, behar izanez gero, aipatutako planen zuzendaritzeari kasuan kasuko laguntzak emango zaizkiela bermatuko die, bai eta, egoerak hala eskatzen badu, plan horiek Euskadiko Babes Zibileko Lurralde Planean erabat integratuko direla ere.

Horrelakoetan, ez da aktibatzen Euskadiko Babes Zibileko Lurralde Plana, larrialdiaren aurreko egoeratzat jo baitaitezke.

Dena den, Euskadiko Babes Zibileko Lurralde Planeko baliabideen zati bat mobilizatu daiteke, laguntza-lanak egiteko, ekintza-talderi abisu emateko edo babes-neurriak prestatzeko. Normalean, egoera honetan, beti aktibatuta egongo dira gorabeheraren arabera ko taktika operatiboak.

Egoera honetako ekintzak garrantzi handikoak dira, haietan oinarrizten baita goragoko mailetan beharrezkoak izan litezkeen ekintzen alderdi prebentiboa.

Bestalde, 0 egoeran, baldin eta egoki irizten bada, aholku-kontseilua biltzeko deialdiaren aurreabisua edo deialdia bera egin daiteke.

Larrialdia eragin duen arriskua kontrolatuta dagoenean, eta gorabehera gertatu aurreko normaltasunera itzuli bitartean, planak jarraipen-lanak egingo ditu, egoerak okerrera egiten ote duen ikusteko; ez da oso ohikoa, baina gerta liteke. Jarraipen-lan hori, batik bat, ohiko larrialdi-zerbitzuen bidez egiten da.

2.2.2.2. 1. egoera

Euskadiko Babes Zibileko Lurralde Planari dagokio 1. egoera deklaratzeko, bere ekimenez edota udal- edo foru-agintariek eskatuta.

Egoera honetan, Euskadiko Babes Zibileko Lurralde Planaren eginkizuna izango da koordinazio- eta laguntza-lanak egitea, planaren bitarteko propioak edo hari esleitutakoak erabiliz, eta planean bertan aurreikusitako babes-neurriak hartuz.

Larrialdiak udalerrri bakarrari eragiten badiu, Euskadiko Babes Zibileko Lurralde Planaren zuzendaritzak dagokion tokiko planaren zuzendaritzaren esku utz dezake erantzunaren koordinazioa lekuan bertan egiteko lana. Kasu horretan, Euskadiko Babes Zibileko Lurralde Planaren zuzendaritzak baliabide propioen aginteari eutsiko dio.

2.2.2.3. 2 egoera

Euskadiko Babes Zibileko Lurralde Planari dagokio 2. egoera deklaratzeko, bere ekimenez edota udal- edo foru-agintariek eskatuta.

Horrelakoetan, Euskadiko Babes Zibileko Lurralde Planaren zuzendaritzaren ardura izango da ekintza guzti-guztiak zuzentzea eta koordinatzea, planean aurreikusitakoaren arabera.

Egoera honetan, oinarritzko zerbitzu publikoen birgaitzearekin lotutako konponketa-neurriak aplika daitezke, zerbitzu horiek ez ego-teak, bere horretan, larrialdi bat badakar edo ekintzen garapen ego-kia oztopatzen badu.

Normaltasuna itzuli dela deklaratu da larrialdi-egoera eragin duten faktoreak desagertzen direnean eta haren ondorioek herri-tarrentzako edo ondasunentzako arriskutsu izateari uzten diote-nean.

2.2.2.4. 3 egoera

3. egoera deklaratu da autonomia erkidegoaz gaindiko intere-sa dagoenean, Babes Zibileko Oinarritzko Arauan aurreikusitakoar-en arabera.

Egoera honetan, Euskadiko Babes Zibileko Lurralde Planaren zuzendaritzak agintari bat izendatuko du, eta estatuko administra-zioak izendatutakoarekin batera, zuzendaritza-batzordea osatuko dute. Estatuko ordezkariak egingo ditu zuzendari-lanak, berariaz beste norbaiten esku uzten dituen kasuetan izan ezik.

Euskadiko Babes Zibileko Lurralde Planaren zuzendaritzak, zu-zendaritza-batzordearen jarraibideak betez, planean jasota datozen baliabide propioak eta esleitutakoak koordinatzen jarraituko du. Ekintzak Koordinatzeko Zentroa (CECOP), beraz, Ekintzak Koordi-natzeko Zentro Integratu (CECOPI) bihurtuko da.

2.2.3. Errekupeazio-fasea

Fase hau inplizituki aktibatutzat joko da larrialdi-fasea (edozein egoeratan dagoela ere) desaktibatzen den unean bertan.

Une horretan, agintari eskudunek beharrezko errekupeazio-la-nei ekingo diete, eragindako kalteak zernolakoak izan diren kontuan hartuta. Batik bat larrialdiaren biktimgan eta kaltetuengan jarriko

dute arreta, eta, horretarako, Larrialdiei Aurre Egiteko Euskal Sistemari integratutako zerbitzuen laguntza jasoko dute. Fase honetan gertatutakoaren analisi kritikoa ere egingo da, bai arriskuen azterketarekin lotutako arloei dagokienez bai larrialdiaren kudeaketari dagokienez.

3. UDAL- ETA FORU-PLANETAKO AGINTARIEN ETA ARDURADUNEN ETA EUSKADIKO BABES ZIBILEKO LURRALDE-PLANEKOEN ARTEKO INTERFASEA

3.1. Udal- eta foru-planak aktibatzearen jakinarazpena

Udal- edo foru-plan bat aktibatzen denean, planaren zuzendaritzak aktibazioaren berri emango du Larrialdiak Koordinatzeko Zentroen (SOS-Deiak) bidez. Gainera, aldiaren behin, egoeraren bilakaerari eta ekintzen garapenari buruzko informazioa emango du, larrialdiaren larritasunari buruzko aurreikuspenak eta aldaketak zein diren adieraziko du, eta larrialdiaren amaieraren berri emango du.

Bereziki garrantzitsua da jakinarazpena berehala egitea, baldin eta larrialdiari erantzuteko nahikoa gaitasun ez duela aurreikusten edo berresten badu, eskuragarri ez dauden baliabideen premia larria badago, edo larrialdiak, lurralde horri ez ezik, beste bati ere eragingo badio.

3.2. Planen arteko interfasea

Goragoko mailako planekin koordinazioa bermatze aldera, Euskadiko Babes Zibileko Lurralde Planeko 0 egoeran gaudenean, larrialdi-kontuetan eskumena duen Eusko Jaurlaritzako zuzendaritzako ordezkari bat batuko da aplikatzen ari den planaren zuzendaritzaren aholku-kontseilura.

Planaren titularraren esku ez dauden bitartekoak eta baliabideak mobilizatzeko eskaerak Larrialdiak Koordinatzeko Zentroen (SOS-Deiak) bidez bideratuko dira.

Euskadiko Babes Zibileko Lurralde Planaren 1. egoera edo gora-goko mailako bat aktibatzeak berekin ekarriko du eraginpekoak diren behegoko mailako planak integratzea, bai eta automatikoki aktibatzea ere, baldin eta aurretik martxan egongo ez balira.

3.3. Udal- eta foru-agintariei jakinaraztea

CECOP/CECOPIren bidez, eraginpeko udalerriei eta lurralde historikoei berehala helaraziko zaizkie autonomia erkidegoko edo estatuko agintariak alerta-egoeren, alarmen, eta planen aktibazioen eta desaktibazioen inguruan egiten dituzten adierazpen edo jakinarazpen guztiak, bai eta haiei eragin diezaieketen arrisku- edo hondamen-egoerei buruzko gainerako informazio guztia ere.

4. JAKINARAZPENAK

4.1. Kontzeptua

Larrialdi-egoera bat aurreikusten dela jakinaraztea da, edota dagokien agintariei komunikatzea jasotako alerta- edo larrialdi-egoeretako bat deklaratu dela.

Eraginpeko edo esku-hartzera deitutako agintariei helarazitako jakinarazpenez gain, fase eta egoera guztien berri eman behar zaie herritarrei, zerbitzuei eta erakundeei, baldin eta kalteak jasan baditzaizkete edo haien laguntza beharrezkoa bada gorabehera kudeatzeko. Horrek guztiak hainbat helburu ditu: arreta- eta zaintza-egoera bat piztea, arriskua sortzen edo sor dezaketen faktoreak kontrolatzeko; prestaketa-lanak egitea, erantzun-denborak murrizteko eta azkar esku hartzeko; eta adi egotea, informazio berria jasotzeko eta arriskuari edo gertaera katastrofikoari aurre egiteko babes-neurriak hartzeko.

4.2. Zer agintarik jasoko dituzten jakinarazpenak

4.2.1. Alerta-fasea eta 0 egoera: Jakinarazpena egiteko, arriskua eta haren eraginpeko eremua hartuko dira kontuan, eta Larrialdiak Koordinatzeko Zentroetan (SOS-Deiak) ezarritako protokoloak beteko dira.

4.2.2. 1. egoera eta hortik aurrerakoak: Lehendakariari, gobernuaren ordezkariari, eta eraginpeko udal- edo- foru-planen zuzendaritzari helaraziko zaizkie jakinarazpenak, bai eta planari giza baliabideak edo baliabide materialak ematen dizkieten gainerako agintariei edo zerbitzuei ere.

5. PROZEDURA OPERATIBOA

Planaren zuzendaritzak, egoera bakoitzean zer ekintza egin behar diren hausnartzen duenean, gertakariaren zirkunstantzia eta ondorio guztiak aztertuko ditu, bere plangintza operatiboa errealitatek ahalik eta hurbilen egon dadin.

Zehaztasun horren xedea ekintzen arteko koordinazioa nabarmen hobetzea da. Gainera, ekintzak berak arrazionalizatzeko modu bat ere bada.

Dena den, malgutasun pixka batez finkatu behar da egoera bakoitzerako ekintzak zer, nola eta non egin behar diren; hau da, ez dira xehe-xehe finkatu behar, ekintzak zorrotzegiak izatea ekarriko bailuke horrek. Hala eta guztiz ere, plangintzak ez du gidalerro lauso batzuetara mugatu behar.

Nolanahi ere, plangintza operatiboak alderdi hauek barne hartuko ditu:

- Ondorioak ebaluatzea.
- Egoera aztertzea.
- Ezarri beharreko agente-postu aurreratuak zehaztea.

- Ekintzen eremua zehaztea, eta esku-hartzearen, sorospena-
ren eta gune nagusiaren eremuak ezartzea.
- Hartu beharreko interbentzio-, babes-, sorospen- eta konpon-
keta-neurriak zehaztea.
- Erabili beharreko bitartekoak eta baliabideak zehaztea.

Ekintza horiek guztiak zehaztu ostean, ekintza-talde bakoitzak bere jarduna egokituko du, aurreikusitako egoera bakoitzerako eza-
rritako ekintza-prozeduren arabera eta aginte bateratuaren espa-
ruaren baitan.

IV. ATALBURUA. BABES ETA KONPONKETA NEURRIAK

1. BABES NEURRIAK

EAEko Babes Zibileko Lurralde Planaren ataza honako ba-
bes-neurriek osatzen dute:

- a) Biztanleria babesteko neurriek. Gutxienez ondoko hauek
dira:
 - 1) sarbideak kontrolatzea,
 - 2) kalteak izandako biztanleei abisua ematea,
 - 3) jendea segurtasuneko tokietan aterpetzea edo isolatzea,
 - 4) ebakuazioa, era guztietakoa,
 - 5) osasun-laguntza.
- b) Ondasunak babesteko neurriek:
 - 1) ondasunak babestea propio, kontu berezia eginez kultura-
ko interesa aitortu zaien ondasunei,
 - 2) lotutako arriskuak sor daitezten galaraztea.
- c) Sorospen-neurriek:
 - 1) bilaketa, erreskatea eta salbamendua

- 2) lehen laguntzak,
 - 3) ebakuazioa (garraioa),
 - 4) kaltetuen sailkapena, kontrola eta ebakuazioa, osasun-eta gizarte-laguntza jaso dezaten,
 - 5) lehen mailako osasun-laguntza,
 - 6) larrialdiko aterpetxea,
 - 7) hornikuntza.
- d) Esku-hartzeko neurriak, arrisku edo hondamendiaren sortzailerik kontrolatu eta neutralizatzeko.

2. BIZTANLEEI INFORMAZIOA EMATEA

2.1. Informazioa babes-neurri

Biztanleei larrialdi-aurreari edo larrialdiari buruz abisatzea eta argibideak ematea, alerta-mezuen eta jarraitu beharreko aholkuen bitartez, funtsezko babes-neurri dira, eta informazio osoa eta egiazkoa ez izatearen ondoriozko babesik eza baztertzeko balio dute.

Larrialdiari buruzko informazioa eskura izan bezain pronto, batik bat kalte izandako biztanleei helarazi behar zaie, baina gainontzeko biztanleei, oro har, ere bai, informazio-kabineteak sortzen dituen alerta-mezuen bitartez.

2.2. Informazioaren edukia eta ezaugarriak

Informazio horren edukiak eta noiz eman behar den aurretiaz finkaturik egon behar du egoera bakoitzerako. Ziurtatu egin behar da mezuen kalitatea egokia dela lortu nahi denerako, eta mezuak biztanleengan izan dezakeen eragina neurtu behar da, izu-ikara sor ez dadin.

Mezu horiek aldeztu aurretik egon behar dute erabakita, eta megafonia-sareak erabili aurretik graba daitezke, mezu-emaileak, psiko-

logikoki hunkituta (normala baita horrela egotea larrialdietan), mezuen kalitatea txartu ez dezan.

Dokumentazio- eta kontsulta-fondo bat eratuko da mezu horiek errazago igortzeko biztanleei. Ekintza-taldeetako arduradunek jo ahal izango dute fondo horretara; eta bertan «mezu ereduak» izango dira, arrisku eta egoera konkretuei buruzkoak.

Biztanleriari zuzendutako informazioak honako hauek adieraziko ditu:

- larrialdiaren benetako egoera une bakoitzean,
- jarraitu beharreko babes-neurriak eta aholkuak,
- larrialdiaren bilakaerari buruzko igarkizunak,
- ebakuatu behar izanez gero: nola?, bilgunea non?

Biztanleentzako mezuek ondoko ezaugarriok izan behar dituzte:

- argitasuna, guztiek ulertzeko moduko esaldi eta hitz errazak erabiliz,
- laburtasuna, ahalik eta hitz gutxien erabiliz,
- zorroztasuna, anbiguitaterik gabe adieraziz zer nola jokatu behar den,
- nahikotasuna: biztanleei ez zaie azaldu gabe utzi behar ezagutu beharreko ezer, baina ez da jardun behar alferriko zehaztasunetan ere,
- mezuak errepikatzea.

2.3. Informazioa emateko baliabideak

Informazio hori emateko baliabideak honako hauek izango dira:

a) Tokiko megafonia-sistema:

Aurreneko maila batean, eta larrialdiak hala eskatzen badu, tokiko megafonia-sistemak erabiliko dira, finkoak eta/edo mugikorrak,

berehala hartu beharreko babes-neurriei buruzko informazioa emateko biztanleei.

Megafonia-sistema horiek udalen planetan aurreikusirik egon beharko dute eta baliabide horiez hornituko dira udalean diharduten ordena publikoko indarrak (Udaltzaingoa, Ertzaintza) eta gainontzeko esku-hartzeko taldeak.

b) Gizarteko komunikabideak:

Bigarren maila batean biztanleriari gizarteko komunikabideen bitartez (irratia, telebista) emango zaizkio mezuak. Gizarteko komunikabideak plan-zuzendariari laguntza eman behar dioten erakundeak dira, babes zibileko legediak dioenari jarraiki, eta derrigorturik daude informazio-kabineteak elaboraturiko mezuak hedatzera, biztanleei larrialdi kasuan zer egin behar duten jakitera emateko.

Helburu horri begira, planak behar diren lotuneak ezarriko ditu informazio-kabinetearen eta gizarteko komunikabideen artean. Azken horiek hedakuntza irrati-elektrikoak eteten ez direla ziurtatu egin beharko dute, baita aurkako baldintzetan ere, larrialdietako sorgailuak eta bestelako gailu teknikoak erabiliz.

Telebista- eta irrati-hedapeneko emakidadunekin protokoloak, hitzarmenak eta akordioak egingo dira, larrialdiko egoeretan biztanleriari zuzenduriko mezuen ahalik eta zabalkunderik handiena bermatzeko.

3. KONPONKETA-NEURRIAK

3.1. Kontzeptua

Plan honen ondorioetarako, konponketa-neurritzat jotzen dira larrialdi-egoeretan etendako oinarrizko edo funtsezko zerbitzuen hornidura eta funtzionamendua berriz ezartzeko neurriak.

Zerbitzuak oinarrizkoak edo funtsezkoak direla esaten da, horiek gabe herritarren bizimodua nabarmen txartzen denean.

3.2. Jarduketak

Larrialdi-egoeretan problemak izaten dira kaltea izandako udalerrietan berriro ere oinarrizko zerbitzuak martxan jartzeko eta normalizatzeko. Zailtasun hori areagotu egin ohi da udalaren baliabideak akituz joaten direlako eta, sarritan, udalerrian ez delako egoten egin-kizun horietarako material eta makineria berezirik.

Halako egoeretan EAEko Babes Zibileko Lurralde Planaren Zuzendaritzaren egitekoa izango da biztanleriarentzat oinarrizkoak edo funtsezkoak diren gutxienezko zerbitzuak berriz jartzeko lanak eta jarduketak koordinatzea.

Dauden protokolei jarraiki, zerbitzuetako bakoitzean hornidura berriro martxan jartzeko ardura dutenekin izan beharreko harremanak finkatuko dira.

Hornidura-konpainien ekintzarako prestasunaren eta prestasun-teknikoaren arabera, EAEko Babes Zibileko Lurralde Planaren Zuzendaritzak erabakiko ditu hornidura berriz martxan jartzeko lehentasunak.

Udalei, alkatearen edo haren eskuordeko denaren bitartez, une oro jakitera emango zaie zein diren hornikuntza-konpainiei gauzatzen dituzten jarduketak, larrialdiak kalte egindako biztanleriak ahalik eta informazio gehien izan dezan. Aldi berean, udalei ere argibideak eskatu-ko zaizkie zerbitzu-horniduren egoerari buruz, informazioa bildu eta bateraturik, zerbitzu horiek berriz abian jarri behar dituztenei emateko.

3.3. Ordezko zerbitzuak

Behar izanez gero ordezko zerbitzuak (atal honetan zerrendatzen direnak kasu) ezartzeko neurriak koordinatu eta hartuko dira, baina, garatu, dagozkien arloko ekintza-jardunbideen programetan garatuko dira zerbitzu horiek. Kaltea izandako oinarrizko zerbitzuen ezean behin-behingo proposatzen diren ordezko konponbideak honako hauek dira:

- a) edateko uraren hornidura: edateko uraren ordezeko hornidura botila-ura banatuz egingo da, edo horretarako gaituriko zisternadun ibilgailuen bitartez,
- b) elektrizitate-hornidura: elektrizitate-hornidura alternatiboa ekipo elektrogenoen bidez egingo da, eta lehenetasuna eman-go zaie eritetxeei, laguntza-zentroei eta aterpetxeei. Hornikuntza-enpresek eta udal zerbitzuek dute, planaren antolakuntzarekin lankidetzan, hornikuntza berrezartzeko ardura,
- c) telefono-zerbitzua: telefono-zerbitzurik ezean, ordezk irratibidezko komunikazioa ezarriko da. Erabili beharreko frekuentziak Eusko Jaurlaritzaren komunikazio-sarearenak berak izango dira, eta gainontzeko administrazioenak ere bai, larrialdietarako udal-sarearenak barne, horrek posible egiten baitu udaletako alkateak zuzenean SOS-Deiakekin harremanean jartzea,
- d) gas-hornidura: botilaraturiko gasen horniketa egingo da, hornikuntza-enpresen jarduera koordinatu eta bateratuaren bitartez.

V. ATALBURUA. ATAZAREN EZARPENA ETA MANTENIMENDUA

1. PLANAREN EZARPENA

1.1. Sarrera

EAEko Babes Zibileko Lurralde Planaren ezarpenak bere barne hartzen ditu planaren erabateko eraginkortasuna ziurtatzeko egin behar diren jarduketak guztiak. Horretarako beharrezkoa da:

- a) programazioa, EAEko Babes Zibileko Lurralde Planaren eranskin moduan derrigor sartu behar diren zatiak edo dokumentuak garatzeko.

- b) ezarpena egitea, hau da, EAeko Babes Zibileko Lurralde Planaren ekintzarako egitura benetan integrazteko behar diren jarduketak egitea.

1.2. Plana garatzeko programazioa

Arau-agiri guztiak eta horietatik ateratzen diren gainontzeko agiri teknikoak EAeko Babes Zibileko Lurralde Planari erantsiko zaizkio eranskin edo gehigarri moduan. Agiri horiek, Segurtasun Sailak egingo ditu plan honetan ezartzen denari jarraiki.

Garapeneko programazioak, besteak beste, gai hauek landu beharko ditu:

- a) EAeko Babes Zibileko Lurralde Planaren egitura, arrisku anitzetarako dena, arrisku-mota desberdinetara egokitu beharko da; horretarako, plan bereziak egin eta onartuko dira, eta arrisku bakoitzerako behar diren baliabide eta bitarteko bereziak lurralde-planaren egitura orokorrera moldatzen saiatuko.
- b) arriskuen azterketa,
- c) bitarteko eta baliabideen katalogoa,
- d) lurralde-informazioa,
- e) egiten diren arloko ekintzen jardunbide-programak sartzea,
- f) ekintza-taktikak,
- g) autobabesari buruzko araudia ebaluatzea eta ikertzea.

1.3. Ezarpena

1.3.1. *Beharrezko ekintzak*

EAeko Babes Zibileko Lurralde Plana egoki ezarriko bada, beharrezkoa da zenbait ekintza egitea, hala nola:

- a) aholku-batzordeko, Informazio-kabineteko eta Larrialdiak Koordinatzeko Zentroetako kideak hautatzea, eta kide horiek non diren jakiteko sistemak finkatzea,
- b) ekintza-taldeak osatzen dituzten agintariak (eta euren ordezkariak), kideak eta baliabideak hautatzea, eta baita horiek mugiarazteko sistemak ere,
- c) parte hartzen duten erakundeekin behar diren protokolo, hitzarmen eta akordioak egitea, bai jarduketak argitzeko, baita bitartekoak eta/edo laguntza teknikoa esleitzeko ere,
- d) planari esleituriko baliabide eta bitarteko guztiak eskura daudela egiaztatzea,
- e) esku-hartzaile guztiak plana beren egitekoak zuzen betetzeko moduan ezagutzen dutela egiaztatzea.
- f) ezarritako ereduaren eraginkortasuna, langileen trebakuntza, eta bitartekoen eskuragarritasuna egiaztatzea. Horretarako itxura hutsezko saio oso bat egin beharko da, edota zuzendaria ezinbestekotzat jotzen dituen bezainbeste saio partzial.

1.3.2. Azpiegitura

EAEko Babes Zibileko Lurralde Planaren ataza bermatzearen, beharrezkoak jotzen diren baliabide guztiez hornituko da plan hau. Alabaina, gutxienez, honako baliabide hauek kontuan izango dira:

- a) Igorpen-sarea,
- b) datu meteorologikoak eta kutsadurari buruzkoak jaso eta igortzeko sistemak,
- c) behar diren berariazko baliabideez hornitzea bai ekintzen bateragune elkartua, bai informazio-kabinetea, baita eskaintza-taldeak ere,
- d) herritarrei egoeraren berri emateko sistemak.

1.3.3. *Planaren gaineko prestakuntza*

1.3.3.1. Planaren ezaguera

Planean erantzukizuna duten pertsonen prestakuntzako lehen urratsa plana ezagutzea da. Horretarako, planaren hedakuntza osoa edo zatikakoa programatuko da, bakoitzari dagozkion ekintzekin bat datorren moduan. Hedapen hori prestakuntza-programen bitartez osatu beharko da.

1.3.3.2. Prestakuntza-programa

Prestakuntza-programak modu sistematikoan aztertuko du planean sartuta dagoen langileria, haien eginkizunak eta ardurak, eta, azterketa hori oinarritzat hartuta, irakatsi behar diren ikastaroak diseinatuko dira, hartzaille guztiek ondoko gai hauei buruzko ezaguerak jaso ditzaten: planen egitura eta edukiei, beren eginkizunei, jardunbideei eta planaren atazari, eta hartu beharreko aurreneurri eta babeseko neurriei buruzkoak.

Prestakuntza-mota bakoitzak kontuan hartu beharko du zein diren hartzailleak, alegia planaren arduradunak diren, ekintza-taldeen arduradunak, tarteko karguak, oinarriko mailan ari direnak ala komunikabideak.

Prestakuntza sendotzeko ariketak eta itxura hutsezko saioak egin beharko dira, osoak zein partzialak, ezarritako ereduaren eraginkortasuna planean jardun behar dutenen prestakuntza eta baliabideen eskuragarritasuna egiaztatzeko.

2. **BIZTANLEEI INFORMAZIOA EMATEA**

2.1. **Informazio-politika**

EAEko Babes Zibileko Lurralde Plana ezartzeko fasean, eta mantenimenduko fasean era iraunkorrean edo aldiari behin, infor-

mazio-politika jakin bati jarraitu beharko zaio plangintzaren esparru diren eskualdeetako udal- eta foru-aldundiekin batera jardunez. Helburua plangintza hori biztan-leriari ezagutaraztea da, herritarrak eurei dagozkien edo eragiten dien babes-neurriekin ohitzeko.

2.2. Informazioaren xedea

Informazioa ematearen helburua jendeari oro har edo kolektibitate jakin batzuei, jasan ditzaketen arriskuak eta ekiditeko babes-neurriak ezagutaraztea da, horiez jabetaraztea eta sentsibilizatzea. Informazioaren gai honako hauek izango dira:

- a) arriskua eta arrisku hori gauzatu aurreko neurriak eta babeseko neurriak. Aurreneurriko informazio horrek xede hauek ditu: herritarrak kontzientziatzea, babeseko planen oinarriko mekanismoak ezagutaraztea eta biztanleei jakinaraztea zein bidetatik emango zaien informazioa larrialdi bat gertatuz gero. Horretarako, biztanle-multzo ezberdinei zuzendutako kanpainak egingo dira aldizka, ikastetxe-mailakoak batez ere.
- b) larrialdia gertatu eta gero: informazio honek batik bat azaltzen du zein jokabide izan behar den, eta hondamenak dirauen bitartean norbere burua nola babestu behar den. Informazio hori informazio-bulegoaren eta plan honetan bertan edota plan honetan sartzen diren beste planetan aurreikusten diren sistemen bitartez bideratuko da.

2.3. Informazioaren oinarri diren printzipioak

Informazio-politikak baztertu egin behar ditu alferrikako alarma sozialak eta, horretarako, aurretik informazioa programatu behar da. Honako printzipio hauek izango dira informazioaren oinarri:

- a) informazioak koordinatua, erraza eta kontraesanik gabekoa izan behar du,

- b) egiazkoa, eta egoeraren berri modu zabal eta benetakoan ematen duena,
- c) erregularra, eta aldian behingoa, batez ere arriskua urtarokoa denean,
- d) hartzaileentzako egokia den hizkera erraza eta ulergarria erabili behar da,
- e) informazioaren hartzaileek zer nolako sentsibilitatea duten eta bestelako ezaugarriak kontu, informazioa halakoa eman behar zaie, kalte-dunak izan nahiz biztanleak oro har.

3. PLANAREN MANTENIMENDUA

3.1. Kontzeptua

Plana ezarri eta gero, indarrean dagoen bitartean, eraginkortasuna mantendu beharko zaio. Horretarako, jardunbideek erabateko ataza-ahalmena lor dezaten, ekintzak egingo dira, eta baita eguneratzekoak eta etorkizuneko aldaketetara egokitzeak ere.

Planaren eraginkortasuna mantentzeko ekintzak hauek dira:

- a) materiala aldian behin egiaztatzea,
- b) etengabeko prestakuntza,
- c) trebakuntzako ariketak,
- d) saioak (itxura hutsezkoak),
- e) eguneratzea/berrikustea

3.2. Mantenimenduko programa

Planaren eraginkortasuna mantentzeko ekintzak mantenimendu-programa batean jasoko dira. Programa horrek EAEko Babes Zibileko Lurralde Planaren ekintza-atal guztien ezarpen eta mantenimendurako beharrezko jarduketak arautuko ditu, barne direla bai

informazio, hedakuntza eta gaikuntzari buruzkoak, bai egiaztapen, ariketa, itxura hutsezko saioei buruzkoak eta baita planaren aldizkako eguneratzeari eta berrikusteari dagozkionak ere.

Mantenimendu-programa hori Larrialdiei Aurre Egiteko eta Meteorologiako Zuzendaritzak egin eta Segurtasuneko sailburuak onartuko du, bera baita Planaren zuzendaria.

3.3. Materiala aldizka egiaztatzea

Aldizkako egiaztapena planean erabil daitekeen materiala egoera ezin hobean dagoen egiaztatze da eta, horrela, bitarteko eta baliabideen katalogoa eguneratua eduki ahal izateko. Egiaztatze hori bitarteko eta baliabideen titularren egitekoa da. Egiaztapena eta egiaztapenaren gorabeherak, bitartekoen eta baliobideen katalogoan jaso beharko dituzte.

3.4. Planaren gaineko prestakuntza iraunkorra

Planean sartutako lagunen prestakuntza iraunkorrak etengabe-ko lana izan behar du, dokumentu bizia baita plana, etengabe berrikusten eta eguneratzen dena. Atalburu honetako 1.1.3 atalean eza-ritako printzipioetan oinarritzen da hau.

3.5. Trebakuntzako ariketak

Trebakuntzako ariketak etengabeko prestakuntzan sartzen dira. Planari esleituriko, edo esleitu gabeko zenbait bitarteko eta baliabide partzialki erabiltzean datza. Ekintza-taldeek benetan jardun behar izango dute erabili beharko dituzten ekipo eta teknikekin ohitu daitezten.

Talde bakoitzeko arduradunak, jardueren programa bat abiapuntzat hartuta, ariketa bat prestatu beharko du eta horretan taldeko

kideek benetako mugiarazpenetan erabili beharreko baliabide eta bitarteko guztiak edo batzuk erabiliko dituzte.

Ariketa egin ostean, jarduketan eraginkortasuna neurtu beharko da eta ekintza-taldeko kide guztiek elkarri esperientziak, usteak eta iradokizunak adieraziko dizkiote planaren ataza-ahalmena hobetzarren.

3.6. Saioak (itxura hutsezkoak)

Saio hau EAEko Babes Zibileko Lurralde Plana itxura hutsez abiaraztea da. Ondorengo hauek neurtzea eta egiaztatzea du helburu: biztanleei abisatzeko sistemen funtzionamendua eta eraginkortasuna, eta alarmako eta transmisioko sareak; ekintza-taldeen mugitzeko eta babes-neurriak ezartzeko azkartasuna; eta ekintza-taldeen funtzionamendua eta eraginkortasuna.

Aurreikusitako programazioaren arabera, planaren itxura hutsezko saio orokorrak egingo dira, eta plan berezi edo jarduketa-programa bakoitzeko saio bana. Ondoren, eraginkorrak ez direla argi ikusten diren alderdiak aldatu edo hobetu egingo dira.

Komeni da saioak egoera fisiko eta klimatiko ezberdinetan egi-tea, baldintzak aldakorrak diren kasuetan ere planaren ataza-ahalmena egiaztatzeko.

Saioa egin baino lehen irizpideak ezarri behar dira jarduketan koordinazioa bera eta koordinazioaren eraginkortasuna neurtzeko, hala nola planaren egiturak edo ekintza-taldeak eratzen behar izandako denbora, mugiaraziek tokira heltzen iraundakoa, komunikazio-bideen egoera eta abar.

Saioak erabateko arrakasta izango badu, aurreikusitako giza-baliabideek eta materialek beren eginkizun bakoitzean funtzionatzeko gauza izan beharko dute, eta aurretik ezarri zaien lekuan eta denboran prest egon beharko.

3.7. Eguneratzea/berraztertzea

EAEko Babes Zibileko Lurralde Planaren ataza-ahalmena indarrean dagoen aztertzeko eta eguneratzeko lanak bai aldizka bai ohizkanpo egin daitezke.

EAEko Babes Zibileko Lurralde Plana urtero berrikusi beharko da, parte-hartzaile diren bitartekoei eta pertsoneri buruzko oinarritzko informazioan aldaketak sartzeko, eta mantenimenduko programa garatu-ahala agertutako berrikuntza- eta hobekuntza-beharrak jasotzeko.

Ohizkanpoko berrazterketak egingo dira izandako esperientziek edo arauen nahiz antolaketaren aldaketek planaren funtsezko alderdiak ukitzen dituztenean.

Autonomia Erkidegoko Plana erabat edo zatika abiarazi duten larrialdirik izanez gero, txostena egin beharko da larrialdi horiei buruz. Larrialdiaren zergaitiak, ondorioak eta planak izandako eraginkortasuna jasoko ditu txostenak. Ondoren EAEko Babes Zibileko Batzordearen esku jarriko da, plana aztertu eta balizko hobekuntzak edota ohizkanpo egin beharreko berrazterketak sar ditzan bertan.

Eusko Jaurlaritzaren Argitalpen Zerbitzu Nagusia

Servicio Central de Publicaciones del Gobierno Vasco

ISBN 978-84-457-3373-8



9 788445 733738

Salneurria: 5 €